

摘藻堂四庫全書薈要

經部

欽定四庫全書薈要卷一千一百五十三

經部

春秋左傳注疏卷三十七

起襄公二十六年盡二十六年

晉杜氏注

唐陸德明音義

孔穎達疏

經二十有六年春王二月辛卯衛甯喜弑其君剽音義

剽匹
妙反

衛孫林父入于戚以叛注衍雖未居位林父專邑

背國猶為叛也音義

背音
佩

疏

正義曰叛者背君之名嫌無君不得為叛故注明之

林父畏衍入殺已以邑先叛故衍雖未居位林父以背國之故猶為叛也

甲午衛侯衍復歸

于衛注復其位曰復歸名與不名傳無義例疏

正義曰復其位

曰復歸成十八年傳例也僖二十八年衛侯鄭復歸于衛曹伯襄復歸于曹與此衛侯衍皆書其名成十六年曹伯歸自京師不書名俱是歸國立文不同傳無義例史異辭也

夏晉侯使荀吳來聘注吳荀偃子

公會晉人鄭良霄宋人曹人于澶淵注卿會公侯皆應

貶方責宋向戌後期故書良霄以駁之若皆稱人則嫌

向戌直以會公貶之音義

澶市延反駁邦角反

疏

正義曰僖二十九年傳曰在禮

卿不會公侯會伯子男可也是卿會公侯皆合貶良霄亦當貶也但向戌會公已自當貶而又有後期之責仲尼書經方責向戌後期故書良霄以駁之書良霄所以責向戌非是舍霄罪也若良霄與晉宋皆貶稱人則嫌

向戌直以會公被貶其後期之責不見故書良霄名退
宋班明向戌有二罪也案春秋諸國之會後至者多唯
退班在下不褒進先至之人此直退宋人在鄭人之下
於文自足必特書良霄以駁向戌者以向戌宋之執政
上卿魯公親自在會後期而至情慢之
甚故特書良霄深責向戌異於他例也

秋宋公殺其世子痤注稱君以殺惡其父子相殘害音

義

痤才禾反
惡烏路反

晉人執衛甯喜

八月壬午許男甯卒于楚注未同盟而赴以名疏

正義
曰宣

十七年許男錫我卒甯即錫我之子
嗣立以來未與魯會盟而赴以名也

冬楚子蔡侯陳侯伐鄭

葬許靈公

傳二十六年春秦伯之弟鍼如晉修成注修會夷儀

歲之成叔向命召行人子員注欲使答秦命音義

員音

云行人子朱曰朱也當御注御進也言次當行疏

正義

曰言當進侍君受君命也行人非一遞進御此曰次朱當御次而不使是黜之也

三云叔向

不應子朱怒曰班爵同注同為大夫音義

應應對之應

何

以黜朱於朝注黜退也撫劒從之注從叔向也叔向

曰秦晉不和久矣今日之事幸而集注集成也晉國

賴之不集三軍暴骨子員道二國之言無私子常易

之姦以事君者吾所能御也拂衣從之注拂衣褰裳

也音義暴蒲卜反徐扶沃反道音導御魚呂反拂芳弗反褰起虔反本或作騫音雖同義非也說

文云褰疏注正義曰拂衣張迅之義以其將闕知拂

袴也通故以褰裳解拂衣人救之平公曰晉其庶乎注庶幾於治音

義治直吏反吾臣之所爭者大師曠曰公室懼卑臣不心

競而力爭注謂二子不心競為忠而撫劒拂衣音義

爭爭闕
之爭

不務德而爭善注爭謂所行為善私欲已侈

能無卑乎注私欲侈則公義廢音義

侈昌氏反疏正又尺氏反義

曰平公見其臣闕而言其庶乎者以其臣爭為國國
事必興故庶幾於治也劉炫云不心競而力爭不務
德而爭善皆道子朱之心非叔向之罪杜言二子不
心競似亦并責叔向者以闕雖一曲一直乃是兩人
爭理故以二子言之據其闕而言力爭則叔向亦爭
爭善則叔向無之叔向以子員無私欲令應客縱子
員應客亦非叔向爭善叔向無可爭杜
云爭謂所行為善惟言子朱之心也

○衛獻公使

子鮮為復注使為已求反國音義

鮮音仙為于偽反注同

辭注

辭不能敬如強命之注敬如獻公及子鮮之母音義

姒音似強
其丈反

對曰君無信臣懼不免敬姒曰雖然以吾

故也許諾初獻公使與甯喜言注言復國甯喜曰必

子鮮在不然必敗注子鮮賢國人信之必欲使在其

間故公使子鮮子鮮不獲命於敬姒注不得止命以

公命與甯喜言曰苟反政由甯氏祭則寡人甯喜告

蘧伯玉伯玉曰瑗不得聞君之出敢聞其入注十四

年孫氏欲逐獻公瑗走從近關出音義

蘧其居反瑗
于眷反又于

萬反遂行從近關出告右宰穀注衛大夫右宰穀曰不

可獲罪於兩君注前出獻公今弑剽音義

弑申志反

天下

誰畜之注畜猶容也音義

畜許六反注同
一音勑六反

悼子曰吾

受命於先人不可以貳注悼子甯喜也受命在二十

年穀曰我請使焉而觀之注觀知可還否音義

使所吏反

還音環

遂見公於夷儀反曰君淹恤在外十二年矣注

淹久也音義

見賢遍反一音如字
淹於廉反徐於嚴反

而無憂色亦無寬

言猶夫人也注言其為人猶如故音義

夫人音扶

若不已

死無日矣注已止也悼子曰子鮮在右宰穀曰子鮮

在何益多而能亡於我何有注言子鮮為義多不過

亡出悼子曰雖然弗可以已孫文子在戚孫嘉聘於

齊孫襄居守注二子孫文子之子音義守手又反二月庚

寅甯喜右宰穀伐孫氏不克伯國傷注伯國孫襄也

父兄皆不在故乘弱攻之甯子出舍於郊注欲奔伯

國死孫氏夜哭國人召甯子甯子復攻孫氏克之辛

卯殺子叔及大子角注子叔衛侯剽言子叔剽無諡

故音義

復扶又反下復懸同

疏

正義曰服虔云殺大子角不書舉重者案晉侯宋公殺其世子

及陳侯之弟招殺陳世子皆書經則世子不輕於大
夫也孔父荀息之徒弑君之下并亦言大夫大夫既
書於經則弑君并殺世子世子亦當書不得為舉重
也杜既不解當以不告故耳注正義曰此剽是穆公
之孫黑背之子於獻公為從父昆弟成十年衛侯之
弟黑背帥師侵鄭傳云衛子叔黑背侵鄭是黑背字
子叔即以子叔為族也元年衛侯使公孫剽來聘傳
云衛子叔來聘是舉族而稱之也今云殺子叔亦是
舉其族為剽無謚故稱族也

書曰甯喜弑其君剽言罪之在甯氏

也注嫌受父命納僖君無罪故發之孫林父以戚如
晉注以邑屬晉書曰入于戚以叛罪孫氏也臣之祿
君實有之義則進否則奉身而退專祿以周旋戮也

注林父事剽而衍入義可以退徒以專邑自隨為罪

故傳發之疏

正義曰春秋書叛者有此孫林父與宋華亥宋公之弟辰晉趙鞅晉荀寅五者

經皆書叛邾庶其莒牟夷邾黑肱皆以地來奔雖文不稱叛傳謂此三人為三叛人則三者亦是叛也所言叛者或據邑而距其君或竊地他國皆為有地隨已故稱為叛昭二十二年宋華亥向寧華定自宋南里出奔楚定十四年宋公之弟辰自蕭來奔地不隨已則不稱叛是叛雖反背之辭皆由地以生名也叛者判也欲分君之地以從他國故以叛為名焉叛無凡例傳言書曰是仲尼書為叛也人君賜臣以邑以為祿食臣之祿謂所食邑也君實有之言其不得專以為己有也君臣以義而合義則進以事君受此祿食否則奉身而退當身奔他國而以祿歸君專君之祿以周旋從已於法為罪戮之人故書入於戚以叛

罪孫氏也釋例曰古之大夫或錫之田邑或分之都城故有千室之邑百乘之家君之祿義則進否則奉身而退若專祿以周旋雖無危國害主之實皆書曰叛叛者反背之辭也庶賤之人不齒於列故雖有善惡不章顯名氏若乃披邑害國則以地重必書其名且終顯其惡也適魯則書地曰來奔來奔則叛可知蓋記事外內之辭也劉賈說三叛人以地來奔不書叛謂不能專也此直外內之辭既以地來妻公之姑姊還其大邑不得復言不能專也是杜以庶其之等皆為叛也專祿者謂專君之祿以為己有東西隨已謂之為專服虔云專祿謂以戚叛也既叛衛亦不臣於晉自謂若小國是謂專祿其意言專獨有之不屬人也若不屬晉何故被衛侵而愬於晉地若不入晉晉復何以成之傳言以戚如晉服言不臣於晉是反丘明以

解傳也 甲午衛侯入書曰復歸國納之也注本晉納

之夷儀今從夷儀入國嫌若晉所納故發國納之例
言國之所納而復其位大夫逆於竟者執其手而與
之言道逆者自車揖之逆於門者領之而已注領搖
其頭言衎驕心易生音義

竟音境領戶感反本
又作領易以敗反

公至

使讓太叔文子曰寡人淹恤在外二三子皆使寡人

朝夕聞衛國之言注二三子諸大夫音義

大音泰
朝如字

吾

子獨不在寡人注在存問之公聞文子答甯喜之言

故忿之疏

注正義曰沈氏云大叔文子聞甯喜許公
之言而發歎本非面答甯喜之言而云答

者時聞甯喜之言遂自評論不許於甯子與對面相答無異故言答也

古人有言曰非

所怨勿怨寡人怨矣注所怨在親親對曰臣知罪矣

臣不佞不能負羈紲以從扞牧圉臣之罪一也有出

者有居者注出謂衍居謂剽也音義

羈居宜反紲息列反扞戶幹反

圉魚呂反下同

臣不能貳通外內之言以事君臣之罪二也

有二罪敢忘其死乃行從近關出公使止之注傳言

衛侯不能安和大臣○衛人侵戚東鄙注以林父叛

故孫氏慙于晉晉成茅氏注茅氏戚東鄙音義

慙悉路反

下同殖綽伐茅氏殺晉成三百人注殖綽齊人今來在

衛孫蒯追之弗敢擊文子曰厲之不如注厲惡鬼也

遂從衛師敗之圉注蒯感父言更還逐殖綽圉衛地

雍鉏獲殖綽注雍鉏孫氏臣也復愬于晉注為下晉

討衛張本○鄭伯賞入陳之功注入陳在前年三月

甲寅朔享子展賜之先路三命之服注先路次路皆

王所賜車之總名蓋請之於王音義路本亦作疏注

輅音路

正

義曰周禮巾車云服車五乘孤乘夏篆卿乘夏縵大夫乘墨車則禮於卿大夫所當乘者名車不名路也

而傳稱王賜叔孫豹鄭子蟠者皆云大路知此先路
次路皆王所賜車之總名也賜車稱路從王賜之名
必是稟王之命故云蓋請之於王也宣十六年傳云
晉侯請於王以黻冕命士會知諸侯命臣有請王之
法故云
蓋也
先八邑注以路及命服為邑先八邑三十二

井音義

先徐悉薦反
下同或如字

疏

注正義曰禮遺人以物皆以
輕先重後故以路及命服為

邑之先也周禮小司徒四井為邑故杜以八邑為三
十二井劉炫云案論語有十室之邑又杜注免餘邑
為一乘之邑又宋鄭之間六邑出戈錫等杜何以知
此邑非彼等之邑必以為四井之邑今知不然者邑
之為名大小無定子展子產為卿日久先有采邑今
以八陳有功加賜田土不應更以八个大邑而又與
之至於免餘辭邑云惟卿備百邑故杜以為一乘之
邑合論語百乘之家其實一乘稱邑文無所出周禮

稱四井為邑杜以正邑解之故云三十二井得為漸賜土田之義又八邑六邑為節級之差劉以為大邑而規杜氏非也

賜子產次路再命之服先六邑子產辭邑曰

自上以下隆殺以兩禮也臣之位在四注上卿子展

次卿子西十一年良霄見經十九年乃立子產為卿

故位在四音義

殺所界反疏注正義曰十五年傳云見賢遍反鄭人以子西伯有子產

之故納賂于宋是伯有在子西之下也十九年傳曰子展當國子西聽政當國謂攝君事聽政謂為上卿是子西次子展故此注以子西為二良霄為三二十七年鄭伯享趙孟于垂隴子展伯有子西子產子大叔二子石從如彼文次伯有在子西之上二十九年裨諶論子產位次云天又除之奪伯有魄子西即世

政焉辟之先言伯有後言子西又是子西在伯有之下者據十九年傳子西必在伯有之上蓋其後更有進退杜據傳

上文以次之

且子展之功也臣不敢及賞禮請辭邑

注賞禮以禮見賞謂六邑也公固予之乃受三邑注位次當受二邑以公固與之故受三邑公孫揮曰子

產其將知政矣注知國政讓不失禮○晉人為孫氏

故召諸侯將以討衛也夏中行穆子來聘召公也注

召公為澶淵會音義

為于偽反

○楚子秦人侵吳及雩婁

聞吳有備而還注雩婁今屬安豐郡音義

雩音于徐况于反如

淳同韋昭音虛或一呼反婁如字徐力俱反如淳音樓

遂侵鄭五月至于城麋

鄭皇頡戍之注皇頡鄭大夫守城麋之邑音義

麋九倫反

頡戶結反

出與楚師戰敗穿封戍囚皇頡公子圍與之爭

之注公子圍共王子靈王也音義

戍音恤

正於伯州犂

注正曲直也伯州犂曰請問於囚乃立囚伯州犂曰

所爭君子也其何不知注言王子圍及穿封戍皆非

細人易別識也音義

易以豉反別彼列反

上其手曰夫子為王

子圍寡君之貴介弟也注介大也音義

上時掌反下注同介音界

下其手曰此子為穿封戌方城外之縣尹也誰獲子

注上下手以道囚意音義

道音導

囚曰頡遇王子弱焉

注弱敗也言為王子所得戌怒抽戈逐王子圍弗及

楚人以皇頡歸印董父與皇頡戌城麋注印董父鄭

大夫音義

抽勅留反印一刃反董音謹

楚人囚之以獻於秦鄭人

取貨於印氏以請之子大叔為令正注主作辭令之

正以為請子產曰不獲注謂大叔辭以貨請董父必

不得音義

為于偽反又如字

受楚之功而取貨於鄭不可謂

國秦不其然注受楚獻功大名也以貨免之小利故

謂秦不爾疏

正義曰秦不肯其如是也

若曰拜君之勤鄭國微君

之惠楚師其猶在敝邑之城下其可注辭如此董父

可得弗從遂行秦人不予更幣從子產而後獲之注

更遣使執幣用子產辭乃得董父傳稱子產之善音

義

使所吏反

○六月公會晉趙武宋向戌鄭良霄曹人于

澶淵以討衛疆戚田注正戚之封疆音義

疆居良反注同

取

衛西鄙懿氏六十以與孫氏注戚城西北五十里有

懿城因姓以名城取田六十井也疏

注正義曰傳言西鄙懿氏則西

鄙之地以懿氏為名也謂之懿氏則以懿為氏族之名蓋上世有大夫姓懿氏食邑於此地因以其姓名其城也杜以懿氏既為邑名而云取其六十故以為取田六十井服虔云六十邑劉炫以服言為是今知非者此六十之文總屬懿氏不見經傳則卑細可知既非卿大夫何得廣有土地今六十之邑而與孫氏且直言六十本無邑文故杜以為六十井劉從服說以規杜氏非也趙武不書尊公也

注罪武會公侯向戌不書後也注後會期鄭先宋不

失所也注如期至疏

正義曰僖二十九年諸侯之卿會公于翟泉皆貶之稱人傳曰

卿不書罪之也八年諸侯之卿會晉侯于邢丘亦貶稱人傳曰大夫不書尊晉侯也然則尊公侯罪大夫

其義一也傳文互相見耳此言趙武不書尊公也是罪武也故杜云罪武會公侯也其會公侯之罪向戌良霄與趙武亦同但為別有見義不貶良霄不得總云卿不書罪之故特言趙武不書尊公明良霄向戌亦為尊公不應書也向戌不書後也言既為會公侯復為後會期故不得如良霄書名氏也會之班次以國大小為序諸會鄭在宋後此會鄭先於宋為鄭依期而至不失所也如不失其所自是常事非有善可褒而得進其班者鄭班常在衛下此會齊衛不至無常班宋自當次晋此直退宋耳非進鄭也言其不失所直是不失常亦非褒文也計良霄會公亦應合貶所以得書名者方責向戌後期故書良霄以駁向戌非為舍霄罪也釋例曰澶淵之會趙武向戌良霄以大夫而會魯侯遠在禮之制其罪一也戌加後會之尤霄有不失所之進文不得並言卿不書罪之故特言尊公明公尊非三人之所敵三人之罪既正而

二人獨以他義別叙也以是杜言良霄會公亦合敗也言霄有不失所之進者正謂不使與宋俱退得進復其本班耳非有升進異於常也宋以後至退班不在曹人下者宋是大國退居鄭下足以為責故今仍在曹上此會曹國最小其班正當居末曹人非後至也宋翟泉之盟諸卿敵公則沒公此亦諸卿敵公不沒公者翟泉之盟杜注云魯侯韓盟天子大夫是以沒公然則此大夫敵公非公有罪是以不沒公也

於是衛侯會之注晉將執之不得與會故不書音義

與會疏

注正義曰下云衛侯如晉晉人執而囚之是音預於此會為將執之不得與會也不得與會而

傳云衛侯會之言其至會所耳

晉人執甯喜北宮遺使女齊以先歸

注討其弑君伐孫氏也遺北宮括之子女齊司馬侯

歸晉而後告諸侯故經書在秋音義

女音汝

衛侯如晉

晉人執而囚之於士弱氏注士弱晉主獄大夫秋七

月齊侯鄭伯為衛侯故如晉注欲共請之音義

偽為反

下為臣託為林父為臣皆同

晉侯燕享之晉侯賦嘉樂注嘉樂詩

大雅取其嘉樂君子顯顯令德宜民宜人受祿于天

音義

嘉戶嫁反注同

疏

注正義曰嘉樂君子以下皆詩之文也晉侯賦此言已嘉樂二君也二君

以晉侯樂已之故故齊賦琴蕭言澤及於已鄭賦緇衣言不敢遠晉所以答嘉樂也服虔云晉侯自嘉樂

愚之甚也

國景子相齊侯注景子國弱音義

相息亮反

賦琴蕭

注蓼蕭詩小雅言太平澤及遠若露之在蕭以喻晉

君恩澤及諸侯音義

蓼音六
大音泰

子展相鄭伯賦緇衣注

緇衣詩鄭風義取適子之館兮還予授子之粲兮言

不敢違遠於晉音義

緇側其反
旦反遠于萬反

叔向命晉侯拜

二君曰寡君敢拜齊君之安我先君之宗祧也敢拜

鄭君之不貳也注蓼蕭緇衣二詩所趣各不同故拜

二君辭異音義

祧他彫反

疏正義曰沈氏云賦蓼蕭喻晉侯德澤及諸侯言晉侯有德

是安我宗廟也其言與注合緇衣首章云緇衣之宜兮敝予又改為兮適子之館兮還予授子之粲兮欲

常進衣服獻飲食是其不二心也劉炫云蓼蕭首章云既見君子燕笑語兮是以有譽處兮言晉侯有聲譽常處位是得宗廟安也

國子使晏平仲私於叔向曰注私與叔

向語晉君宣其明德於諸侯恤其患而補其闕正其違而治其煩所以為盟主也今為臣執君若之何注

謂晉為林父執衛侯叔向告趙文子文子以告晉侯

晉侯言衛侯之罪使叔向告二君注言自以殺晉成

三百人為罪不以林父故國子賦轡之柔矣注逸詩

見周書義取寬政以安諸侯若柔轡之御剛馬音義

見賢疏

注正義曰漢書藝文志無周書篇目其書今或在或云是孔子刪尚書之餘案其文非尚書

之類彼引詩云馬之剛矣轡之柔矣馬亦不剛轡亦不柔志氣庶庶取與不疑此詩餘無所見故謂彼文

是也子展賦將仲子兮注將仲子詩鄭風義取衆言可

畏衛侯雖別有罪而衆人猶謂晉為臣執君音義將仲

子兮將七羊反注同本亦無兮字此依詩序

晉侯乃許歸衛侯叔向曰鄭

七穆罕氏其後亡者也子展儉而壹注子展鄭子罕

之子居身儉而用心壹鄭穆公十一子子然二子孔

三族已亡子羽不為卿故唯言七穆音義

鄭七穆謂子展公孫

舍之罕氏也子西公孫夏駟氏也子產公孫僑國氏也伯有良霄良氏也子大叔游吉游氏也子石公孫段豐氏也伯石印段印氏也穆公十一子謂子良公子去疾也子罕公子喜也子駟公子騂也子國公子發也子孔公子嘉也子游公子偃也子豐也子印也子羽也子然也士子孔也子然二子孔已亡子羽不為卿故疏注正義曰居身儉而用心壹叔向自以察止七也貌觀言而知之其知不由賦詩也子然二子孔三族已亡十九年傳文也子羽不為卿者案成十三年鄭公子班自營求入于大宮不能殺子印子羽不書於經故知不為卿也杜注彼云皆穆公子也又世族譜云子羽穆公子其後為羽氏即羽師頡是其孫此非行人子羽公孫揮也世族譜以公孫揮為離人自外唯有罕駟豐游印國良七族見於經傳皆出穆公故稱七族也

○初宋芮司徒生女子注芮司徒宋大夫

音義銳如反

赤而毛棄諸堤下共姬之妾取以入注共

姬宋伯姬也音義

堤亦作隄徐丁兮反沈直兮反共音恭

名之曰棄長

而美平公入夕注平公共姬子也音義

長丁文反

共姬與

之食公見棄也而視之尤注尤甚也姬納諸御嬖生

佐注佐元公惡而婉注佐貌惡而心順音義

婉於阮反

大

子痤美而狠注貌美而心狠戾音義

狠胡懇反

合左師畏

而惡之注合左師向戌音義

惡烏路下皆同反

寺人惠牆伊

戾為太子內師而無寵注惠牆氏伊戾名音義

牆或作廌

音牆戾疏注正義曰服虔云惠伊皆發聲實為牆戾力計反杜以下文單稱伊戾是舍族稱名故以惠

牆為氏伊戾為名也內師者身為寺人之官公使之監知太子內事為在內人之長也秋楚客

聘於晉過宋注上已有秋復發傳者中間有初不言

秋則嫌楚客過在他年音義復扶又反太子知之請野享

之公使往伊戾請從之公曰夫不惡女乎注夫謂太

子也音義夫音扶注同女音汝疏正義曰知之謂與楚客舊相知故請野享之對曰

小人之事君子也惡之不敢遠好之不敢近敬以待

命敢有貳心乎縱有共其外莫共其內注伊戾為大

子內師不行恐內侍廢闕音義

遠于萬反好呼報反近附近之近共音恭

本又作供下同

臣請往也遣之至則欲用牲加書徵之注詐

作盟處為大子反徵驗也音義

欲古感反處昌慮反

而騁告公

注騁馳也音義

騁勑景反

曰大子將為亂既與楚客盟矣

公曰為我子又何求對曰欲速注言欲速得公位公

使視之則信有焉注有盟徵焉問諸夫人與左師注

夫人佐母棄也則皆曰固聞之公囚大子大子曰唯

佐也能免我注以其婉也召而使請曰日中不來吾

知死矣左師聞之聒而與之語注聒謹也欲使佐失

期音義

聒古活反下
同謹呼端反疏

注正義曰聲亂耳謂之聒多
為言語謹詳亂其耳故聒為

也過期乃縊而死佐為太子公徐聞其無罪也乃亨

伊戾左師見夫人之步馬者注步馬習馬音義

縊一
賜反

亨普
彭反

問之對曰君夫人氏也左師曰誰為君夫人余

胡弗知圍人歸以告夫人夫人使饋之錦與馬先之

以玉注以玉為錦馬之先音義

饋其位反先悉
薦反又如字

曰君

之妾棄使某獻左師改命曰君夫人而後再拜稽首

受之注左師令使者改命也傳言宋公聞左師諛大

子所以無罪而死音義

令力呈反使所更反下文通使同諛羊朱反

疏正義

曰夫人氏者氏猶家也言夫人家之馬也座死佐為大子棄即正為夫人步馬之時夫人名已定矣故對云君夫人氏也但棄本是妾左師欲令夫人重已故佯不知之夫人聞之懼已不得為夫人故自稱為妾饋之錦馬也左師喜得其賜故令使者改命曰君夫人而後拜受之使棄成為夫人傳言左師之諛也

○鄭伯歸自晉注請衛侯歸使子西如晉聘辭曰寡

君來煩執事懼不免於戾注言自懼失敬於大國而

得罪使夏謝不敏注夏子西名音義

夏戶雅反

君子曰善

事大國注將求於人必先下之言鄭所以能自安音

義

下遐嫁反

○初楚伍參與蔡太師子朝友其子伍舉與

聲子相善也注聲子子朝之子伍舉子胥祖父椒舉

也音義

朝如字

疏注正義曰聲子則經傳所云蔡公孫

參之子聲子文不繫朝故云子朝之子以辨明之

伍舉娶於王子年王子年

為申公而亡注獲罪出奔音義

娶七住反年亡侯反為申如字舊于偽反

楚人曰伍舉實送之伍舉奔鄭將遂奔晉聲子將如

晉遇之於鄭郊班荆相與食而言復故注班布也布

荆坐地共議歸楚事朋友世親疏

正義曰楚語云椒舉將奔晉蔡聲子

遇之於鄭郊饗之以璧侑曰子尚良食尚能事晉君以為諸侯主辭曰非所願也若得歸骨於楚死且不朽聲子曰子尚良食吾歸子故椒舉降三拜納其乘馬聲子受之是杜所云共議歸楚之事傳云言復故也
謂此聲子曰子行也吾必復子及宋向戌將平晉楚

注平在明年疏

注正義曰明年聲子始說子木傳云此言之者蓋伍舉以此年去楚故傳

記之於此年也

聲子通使於晉注為國通平事音義

為子偽反還

如楚令尹子木與之語問晉故焉注故事且曰晉大

夫與楚孰賢對曰晉卿不如楚其大夫則賢皆卿材

也如杞梓皮革自楚往也注杞梓皆木名音義

杞梓徐上

音起下音子

雖楚有材晉實用之注言楚亡臣多在晉子

木曰夫獨無族姻乎注夫謂晉對曰雖有而用楚材

實多歸生聞之注歸生聲子名善為國者賞不僭而

刑不濫賞僭則懼及淫人刑濫則懼及善人若不幸

而過寧僭無濫與其失善寧其利淫無善人則國從

之注從之亡也音義

僭子念反下皆疏同濫力暫反

疏

正義曰僭謂僭差濫謂濫

佚賞不僭所賞必有功不僭差也刑不濫所刑必得罪不濫佚也

詩曰人之云亡邦

國殄瘁無善人之謂也注詩大雅殄盡也瘁病也音

義

殄徒典反瘁在醉反

疏

正義曰詩大雅瞻卬之篇也言國內賢人之既云已喪亡矣則邦國盡皆

困病此詩之意言

無善人之謂也

故夏書曰與其殺不辜寧失不經

懼失善也注逸書也不經不用常法疏

正義曰此在大禹謨之篇

皋陶論用刑之法也經常也言若用刑錯失等與其殺不罪之人寧失於不常之罪謂實有罪而失於妄免也此書之意懼失善也商頌有之曰不僭不濫不敢怠皇命于

下國封建厥福注詩商頌言殷湯賞不僭差刑不濫

溢不敢怠解自寬暇則能為下國所命為天子音義

解佳疏注正義曰此商頌殷武之篇詩注謂天命湯賣反疏於在下之國此云為下國所命謂下國諸侯

推命湯為天子則商書云東征西夷怨南征北狄怨又云室家相慶曰后來其蕪是也此湯所

以獲天福也古之治民者勸賞而畏刑注樂行賞而

憚用刑恤民不倦賞以春夏刑以秋冬注順天時是

以將賞為之加膳加膳則飫賜注飫饜也酒食賜下

無不饜足所謂加膳也音義為之于偽反下為之不舉同飫於據反饜亦作

厭於豔此以知其勸賞也將刑為之不舉不舉則徹反下同

樂注不舉盛饌音義

饌士疏正義曰周禮膳夫職云春反疏王日一舉鼎十有二物

皆有俎以樂侑食鄭玄云殺牲盛饌曰舉又曰大喪則不舉大荒則不舉大札則不舉天地有災則不舉邦有大故則不舉鄭衆云大故刑殺也莊二十年傳曰司寇行戮君為之不舉是禮法將刑為之不舉也舉則以樂勸食不舉故徹去樂縣大司樂云大札大山大災大臣死國之大憂令弛縣鄭玄云弛釋下之釋下即是徹縣也大司樂弛縣此以知其畏刑也夙之內不言刑殺大故文不具耳

興夜寐朝夕臨政此以知其恤民也三者禮之大節也有禮無敗今楚多淫刑其大夫逃死於四方而為之謀主以害楚國不可救療所謂不能也注療治也所謂楚人不能用其材也音義

朝如字療力召反

子儀之亂

析公奔晉注在文十四年音義

析星歷反

晉人寘諸戎車

之殿以為謀主注殿後軍音義

寘之敗反殿多練反注同

繞角之

役晉將遁矣析公曰楚師輕窳易震蕩也若多鼓鈞

聲以夜軍之注鈞同其聲音義

遁徒困反窳勑堯反又通弔反易以敗反

鈞音均徐居旬反

楚師必遁晉人從之楚師宵潰晉遂侵蔡

襲沈獲其君敗申息之師於桑隧獲申麗而還注成

六年晉欒書救鄭與楚師遇於統角楚師還晉侵沈

獲沈子八年復侵楚敗申息獲申麗音義

潰戶內反隧音遂麗

力馳反復
扶又反

鄭於是不敢南面楚失華夏則析公之為

也雍子之父兄譖雍子君與大夫不善是也注不是

其曲直音義

夏戶雅反

雍子奔晉晉人與之郤注郤晉邑

音義

郤許六反徐又超六反

以為謀主彭城之役晉遇楚於靡

角之谷注在成十八年晉將遁矣雍子發命於軍曰

歸老幼反孤疾二人役歸一人簡兵蒐乘注簡擇蒐

閱音義

蒐所留反乘繩證反閱音悅

秣馬蓐食師陳焚次注次舍

也焚舍示必死音義

秣音末蓐音辱陳直覲反

明日將戰行歸者

而逸楚囚注欲使楚知之楚師宵潰晉降彭城而歸

諸宋以魚石歸注在元年音義

降戶江反

楚失東夷子辛

死之則雍子之為也注楚東小國及陳見楚不能救

彭城皆叛五年楚人討陳叛故殺令尹子辛子反與

子靈爭夏姬注子靈巫臣而雍害其事注子反亦雍

害巫臣不使得取夏姬音義

雍於勇反注同

子靈奔晉晉人

與之邢注邢晉邑音義

邢音刑

以為謀主扞禦北狄通

吳於晉教吳叛楚教之乘車射御驅侵疏

正義曰教之驅車侵

也伐人使其子狐庸為吳行人焉吳於是伐巢取駕克

棘入州來注駕棘皆楚邑譙國鄆縣東北有棘亭音

義

譙在遙反鄆才多反又子旦反或作贊

楚罷於奔命至今為患則子

靈之為也注事見成七年音義

罷音皮見賢遍反

若敖之亂

伯賁之子賁皇奔晉晉人與之苗注若敖亂在宣四

年苗晉邑音義

賁扶云反下同

以為謀主鄢陵之役注在成

十六年音義

鄢音偃

楚晨壓晉軍而陳晉將遁矣苗賁

皇曰楚師之良在其中軍王族而已注言楚之精卒

唯在中軍音義

壓本又作厭於甲反徐於輒反而陳直覲反下成陳并注同卒子忽反

若塞井夷竈成陳以當之注塞井夷竈以為陳疏

注

義曰咸十六年傳說此事云范句趨進曰塞井夷竈陳於軍中則此謀范句所為今以為苗賁皇之計者鄭衆云此范句所言苗賁皇亦言之故聲子引以為喻

藥范易行以誘之注藥

書時將中軍范燮佐之易行謂簡易兵備欲令楚貪

己不復顧二虜之兵音義

易以政反注及下易成同賈音亦行戶即反注及下

同賈音衡令力呈反下疏

正義曰賈逵鄭衆皆讀易為變易之易賈以行為道

也藥為將范為佐二人分中軍別將之欲使藥與范易道令范先誘楚藥以良卒從而擊之鄭謂易行中

軍與下軍易卒伍也計設謀之時軍既未動道未定分何以言改道也將卒相附繫屬久矣無容臨戰而改易將卒且言易行行非卒伍之名安得為易卒伍也二者之說皆不可通以傳言誘之則謂羸師毀軍示弱以誘敵故讀易為簡易之易謂簡易行陳少其兵備令楚貪己不復顧二穆之兵使中行二郤得克二穆也楚語說此事云雍子謂欒書曰楚師可料也在中軍王族而已若易中下楚必歆之韋昭云中下中軍之上下也歆猶貪也簡易欒范之行示之弱以誑楚也是韋昭已讀為簡易之易故杜從之也此與楚語俱述聲子之言傳言鄢陵之敗苗賁皇之為楚語亦論鄢陵之役而云雍子之為二文不同或丘明傳聞兩說兩記之也劉炫以為國語非丘明所作為此類往往與左傳不同故也

中行二郤

必克二穆注郤錡時將上軍中行偃佐之郤至佐新

軍令此三人分良以攻二穆之兵楚子重子辛皆出

穆王故曰二穆音義

綺魚反

吾乃四萃於其王族必大

敗之注四萃四面集攻之音義

萃在醉反

疏

注正義曰楚語云三萃以

攻其王族必大敗之韋昭云時晉有四軍言三集者中軍先入而上下及新軍乃三集以致攻之韋昭見彼為三字故說之使通耳

晉人從之楚師大敗王夷

蓋二文不同必有一誤

師燬注夷傷也吳楚之間謂火滅為燬音義

燬子潛反

疏

注正義曰月令云瞻夷察傷知夷亦傷也於時呂錡射王中目是王傷也吳楚之間謂火滅為燬相傳有此語也言軍師之敗若火滅然

子反死之鄭叛吳興楚失諸侯則苗

賁皇之為也子木曰是皆然矣聲子曰今又有甚於

此椒舉娶於申公子牟子牟得戾而亡君大夫謂椒

舉女實遣之懼而奔鄭引領南望曰庶幾赦余亦弗

圖也注言楚亦不以為意音義

娶本又作取七住反女音汝

今在

晉矣晉人將與之縣以比叔向注以舉材能比叔向

彼若謀害楚國豈不為患子木懼言諸王益其祿爵

而復之聲子使椒鳴逆之注椒鳴伍舉子傳言聲子

有辭伍舉所以得反子孫復仕於楚疏

正義曰楚語說此事云子

木愀然曰夫子何如召之其來乎對曰亡人得復何為不來子木曰不來則若之何對曰資東陽之盜殺之其可乎子木曰不可我為楚卿而賂盜以賊一夫於晉非義也子為我召之吾倍其室乃使椒鳴召其父而復之○許靈公如楚請伐鄭注十六年晉伐許他國

皆大夫獨鄭伯自行故許恚欲報之音義

恚一睡反

曰師

不興孤不歸矣八月卒于楚楚子曰不伐鄭何以求

諸侯冬十月楚子伐鄭注為許音義

為于偽反下為國同

鄭人

將禦之子產曰晉楚將平諸侯將和注和在明年楚

王是故昧於一來注昧猶貪冒音義

昧音妹冒亡報反又亡兌反

不如使逞而歸乃易成也注逞快也夫小人之性釁於勇嗇於禍以足其性而求名焉者非國家之利也若何從之注釁動也嗇貪也言鄭之欲與楚戰者皆釁勇貪名之人非能為國計慮久利不可從也音義

釁許觀反足子住反又如字

疏

正義曰於時鄭國勇夫皆貪欲禦寇敗楚以成己名故子產為此言

以破之夫此鄭國欲得戰者小人之性奮動於勇貪於禍亂冀得戰闕以足滿其性而自求成武勇之名焉欲得禦寇者皆自為其身非國家之利也若何得從之言禦寇之計不可從也注正義曰賈鄭先儒皆以釁為動也王肅云釁謂自矜奮以夸人王延壽魯靈光殿賦云仡奮釁以軒鬐是釁為奮動之意也嗇

是吝惜之名故為貪也詩云民之貪亂寧為荼毒是
小人之性貪禍亂也言鄭人欲得與楚戰者皆是奮
動於勇貪求名譽之人欲望因有禍亂以成己名非
能為國家計慮希長久之利不可從也定本云嗇養
也非也
子展說不禦寇十二月乙酉入南里墮其城注

南里鄭邑音義

說音悅下注同禦
魚呂反墮許規反

涉於樂氏注樂氏

津名門于師之梁注鄭城門縣門發獲九人焉涉于

汜而歸注於汜城下涉汝水南歸音義

縣音玄汜音
凡徐扶嚴反

疏

注正義曰杜檢汜是地名非水名而云涉于汜是
於汜地涉水耳釋例土地名云楚伐鄭師于汜襄

城縣南汜城是也汝水出南陽魯縣東南而後葬許
經襄城是知於汜城下涉汝水而南歸也

靈公注卒靈公之志而後葬之○衛人歸衛姬于晉
乃釋衛侯注衛侯以女說晉而後得免君子是以知

平公之失政也注傳言晉之衰○晉韓宣子聘于周

王使請事注問何事來聘對曰晉士起將歸時事於

宰旅無他事矣注起宣子名禮諸侯大夫入天子國

稱士時事四時貢職宰旅冢宰之下士言獻職貢於

宰旅不敢斥尊疏

注正義曰周禮大國之卿三命天子上士亦三命曲禮云列國之大

夫入天子之國曰某士是諸侯大夫入天子之國禮法當稱士也以其人官卑故下士獨得旅稱周禮大

宰之屬官有旅下士三十有二人是知宰旅為冢宰之下士也劉炫云知時事四事貢職者小行人云春入貢秋獻功王親受之鄭玄云貢謂六服所貢功謂考績之功是諸侯大夫貢時事之義也

王聞

之曰韓氏其昌阜於晉乎辭不失舊注阜大也傳言

周衰諸侯莫能如禮唯韓起不失舊○齊人城郊之

歲注在二十四年其夏齊烏餘以廩丘奔晉注烏餘

齊大夫廩丘今東郡廩丘縣故城是音義

廩力甚反

疏

注正

義曰釋例土地名以廩丘為齊地案廩丘地在東郡則是衛之邦域齊竟不至此也羊角高魚皆在東郡廩丘與之相近齊不得別有廩丘烏餘齊之大夫得以廩丘奔晉者蓋齊人往前取得衛邑以賜烏餘如

鄭公孫段之得州宋樂大心之有原也宋鄭大夫得
以晉地為采邑是知齊大夫得以衛地為采邑杜見
齊人以此奔晉故釋例以為齊地明年討烏
餘皆取其邑而歸諸侯蓋以廩丘歸齊也

襲衛羊

角取之注今廩丘縣所治羊角城是音義

治直吏反

遂襲

我高魚注高魚城在廩丘縣東北有大雨自其實入

注雨故水竇開音義

竇音豆

介于其庫注入高魚庫而

介其甲音義

介音界

以登其城克而取之注取魯高魚

無所諱而不書其義未聞疏

注正義曰服虔云取魯高魚及反之皆不書蓋

諱之杜以被人取邑無所可諱故云其義未聞莊十
八年公追戎于濟西傳云不言其來諱之也戎來不

覺國以為諱盜竊魯邑而云無可諱者所言諱者諱國惡禮也候不在疆戎來不覺是國無政令故諱之此守高魚者不覺介於其庫直是守者罪耳非國之恥故諸被伐取魯邑皆不諱也昭二十五年齊侯取鄆書而不諱知失邑無可諱也此又取邑于宋於是亦戰于麻隧之類蓋經文脫漏耳

范宣子卒注宣子范匄諸侯弗能治也及趙文子為

政乃卒治之文子言於晉侯曰晉為盟主諸侯或相

侵也則討而使歸其地今烏餘之邑皆討類也注言

於比類宜見討音義

比必疏正義曰烏餘以二十四年奔晉二十五年范宣

子卒趙文子代之為政至明年始討烏餘故云乃卒治之傳先言治之下乃述其治之事也

而貪

之是無以為盟主也請歸之公曰諾孰可使也對曰
胥梁帶能無用師晉侯使往注胥梁帶晉大夫能無
用師言有權謀

春秋左傳注疏卷三十七

春秋左氏傳注疏卷三十七考證

衛孫林父入于戚以叛○林堯叟曰書叛始于此凡叛
賤者不書是故成十七年齊高無咎之子弱以盧叛
襄二十九年齊高止之子豎以盧叛不書必卿佐而
後書

公會晉人鄭良霄宋人曹人于澶淵○臣召南按監本

晉人訛晉侯別本亦然按傳明曰趙武不書尊公也
不書者貶之稱人使與宋向戌及曹人一例也孔疏

甚明今改正

傳吾所能御也○

臣召南

按此御字音義云魚呂反則

即禦字故杜注訓為止

傳享子展賜之先路三命之服注蓋請之於王○

臣召

南

按趙汭曰晉命士會傳言請於王此不言請於王

則鄭伯自賜之可知杜說非也按杜所以言請於王

者以此傳先路次路與王賜叔孫豹大路賜鄭子蟠

大路以葬二文同耳豈知路車冕服本隨命數春秋

諸侯僭妄固有不請命而賜其臣者乎魯賞晉諸帥以三命再命之服襄公賞公冶以冕服晉悼賞魏絳以金石之樂衛賞新築人以曲縣繁纓豈皆一一請之於王趙氏糾杜之違是也

傳囚曰頡遇王子弱焉○

臣召南

按楚既僭號稱王則

其子亦必僭稱王子惟與列國會盟王子仍稱公子經傳所書楚公子某是也其在本國臣民自皆稱為王子此傳是以前言公子圍後言王子圍

傳衛侯如晉晉人執而囚之於士弱氏○趙汭白不書
執衛侯為臣執君不可以為訓

傳楚人曰伍舉實送之注共議歸楚事朋友世親○臣

浩

按注朋友世親四字以文義推之應在上文初楚

伍參與蔡太師子朝友其子伍舉與聲子相善也注
下今各本皆然未敢遽改

傳君與大夫不善是也○大夫監本訛作夫人今改正
傳聲子使椒鳴逆之○陳傅良曰隨會在秦而六卿謀

椒舉在晉而子木懼此晉楚所以代興也于聲子之
辭知開戰國說士之漸

春秋左氏傳注疏卷三十七考證

謹按卷三十六第七頁前六行疏故以干振為行
夜刊本監本毛本行夜訛夜行據宋本改

第十頁後七行疏廣三尺高二尺四寸諸本脫高
二尺三字據宋本及禮記注增

第十六頁後一行傳子彊息諸本彊訛疆今改

第二十五頁前七行注言有次諸本有訛其據宋
本改

卷三十七第十六頁後六行注有盟徵焉諸本盟

訛明據宋本改

第十七頁前二行疏亂耳謂之聒諸本耳訛叫言

語謹譚刊本謹訛人並據宋本改

第十八頁後二行疏饗之以璧侑刊本侑訛賄據

宋本改

第二十七頁後二行疏皆取其邑而歸諸侯諸本

取訛反據宋本改

欽定四庫全書

覆校官檢討臣陳夢元

校對官編修臣張秉愚

謄錄監生臣馬慶

欽定四庫全書薈要

經部
左傳注疏卷三十八

詳校官原任侍講臣王燕緒



欽定四庫全書薈要卷一千一百五十四

經部

春秋左傳注疏卷三十八

起襄公二十七年盡二十八年

晉杜氏注 唐陸德明音義 孔穎達疏

十有七年春齊侯使慶封來聘注景公即位通嗣



夏叔孫豹會晉趙武楚屈建蔡公孫歸生衛石惡陳孔
奭鄭良霄許人曹人於宋注案傳會者十四國齊秦不
交相見邾滕為私屬皆不與盟宋為主人地於宋則與

盟可知故經唯序九國大夫楚先晉歆而書先晉貴信也陳於晉會常在衛上孔奐非上卿故在石惡下音義

奐呼亂反與音預下同先疏

注正義曰案傳諸國大夫及諸侯之身至宋者有晉

楚齊秦魯衛陳蔡鄭許曹邾滕并宋為主凡十四國也齊秦不交相見邾滕為人私屬皆不與于盟為盟而為此會故不盟者會亦不序也宋為地主法當不序於列故經唯序九國大夫也案傳楚先晉歆則當先書楚傳言書先晉晉有信也是仲尼貴晉有信故先書趙武也釋例班序譜晉合諸侯二十國起僖二十八年盡哀十四年大率皆陳後次蔡蔡後次衛是陳于晉會常在衛上也今孔奐乃降於蔡衛在石惡之下故知奐非上卿故也成三年傳曰次國之上卿當大國之中中當其下是計卿位為班也知非奐後至者以傳稱與蔡公孫

歸生同至故也案傳七月之下乃云庚辰子木等至自陳陳孔與蔡公孫歸生至則諸侯大夫七月始集于宋而此會書在夏者事雖在秋行還乃告追以叔孫豹發時書之十年夏會于祖而經書在春注云經書春書始行此亦彼之類也

衛殺其大夫甯喜注甯喜弑剽立衍衍今雖不以弑剽

致討于大義宜追討之故經以國討為文書名也書在

宋會下從赴疏

注正義曰大夫見殺書名者皆是罪之文案此殺喜之傳乃為專而殺之喜之

于衍未為罪當死也故杜跡其應死之狀弑君之賊于法當誅衍雖不以弑剽致討其于大義宜追討之故雖非國人討賊因其被殺亦以國討為文書其名以罪喜也不以弑君之罪討之故言追也

衛侯之弟鮒出奔晉注衛侯始者云政由甯氏祭則寡人而令復患其專緩答免餘既負其前信且不能友于

賢弟使至出奔故書弟以罪兄音義

鮒市轉反又音專復扶又反

疏

注正義曰釋例曰仲尼曰毋弟之例以興義鄭伯懷害弟之心天王縱羣臣以殺其弟夫子探書其志故顯書二兄以首惡佞夫稱弟不聞反謀也鄭段去弟身為謀首也然則兄而害弟者稱弟以章兄罪弟又害兄則去弟以罪弟身也推此以觀其餘秦伯之弟鍼陳侯之弟黃衛侯之弟鮒皆是兄害其弟者也統論其義兄弟二人交相殺害各有曲直書弟則示兄曲也是杜以鮒之出奔非鮒之罪故跡其事以為衛侯罪狀也衛侯始者使鮒與甯喜言云苟得反國政由甯氏祭則寡人如是則甯喜專權未為負約而今公患其專政故免餘請殺

公復緩答免餘任令殺喜既負其言信又不能友于賢弟使至出奔故書其弟以罪兄也昭元年秦伯之弟鍼出奔晉傳曰罪秦伯知此亦罪衛侯也

秋七月辛巳豹及諸侯之大夫盟于宋注夏會之大夫也豹不倚順以顯弱命之君而辨小是以自從故以違

命貶之釋例論之備矣音義

倚於疏注正義曰杜云夏

書在夏故云夏會其寔會在秋耳諸國朝會而曰有他事者皆前目而後凡故此不復序而總云諸侯之大夫還是夏會之大夫也豹去叔孫者傳言季孫以公命命豹使視邾滕而叔孫不從不書其族言違公命故貶之也從公之命于理順也不視邾滕其是小也順君之命其禮大不視邾滕為是小豹不倚此順道以顯弱命之

君而辨小是以自從故以違命貶之也于時魯國君弱臣強政令出于季氏魯君不得有命臣之理臣之小者季氏以己意命之皆不敢不從也叔孫豹秉心強直季氏所憚恐不從己意故假以公命命之諸傳言以公命者寔非公命而假稱公耳其時魯君未嘗有命此稱公命是假可知豹雖心知是假若其即以為真共敬從命則國內義士皆將生心必相告云豹是國之大賢我等仰以取法聞是公命雖非亦從則知公之所命忠不可違豈不使季氏懼而公室尊也從公之命是為順也如此雖寔非公命豹但倚此順道以從公命則弱命之君命得顯矣尊君卑臣在此一舉比視邾滕未為大失豹乃辨其小是以從己心違君之命故貶之釋例曰季氏專魯祿之去公室三世矣制命出于私門非國所知也叔孫豹魯之賢臣欲匡難以矯時故季孫憚之不敢以己意假公命以敦叔孫也邾滕之班不列于會豹不登朝固請受命而行邾滕降次事非機危既不馳請又不

辭會而率意改命失命之甚其君眠食于深宮今一出
命共命之使所宜崇長雖有小失遂而伸之國內固知
我君之命不可以違則季氏有懼而義士生心君子以
豹不倚順以顯弱命之君而辨小是以自從故以違命
貶之也杜言辨小是者豹云宋衛吾匹不視邾滕于理
是也但比于申弱君之命使臣卑而君尊此為小耳

冬十有二月乙亥朔日有食之注今長歷推十一月朔

非十二月傳曰辰在申再失閏若是十二月則為三失

閏故知經誤疏

注正義曰此經言十二月而傳言十一月今杜以長歷推之乙亥是十一月朔

非十二月也傳曰辰在申再失閏矣若是十二月當為
辰在亥以申為亥則是三失閏非再失也推歷與傳合

知傳是而

經誤也

傳二十七年春胥梁帶使諸喪邑者具車徒以受地

必周注諸喪邑謂齊魯宋也周密也必密來勿以受

地為名音義

喪息浪反注同

使烏餘具車徒以受封注烏餘

以地來故詐許封之疏

正義曰必使烏餘具車徒者以三國皆具車徒若不使亦

具車徒恐其驚而覺也且烏餘竊邑諸侯不能治之則烏餘之衆強也慮其迸散欲聚以執之下云盡獲

之是也

烏餘以其衆出注出受封也使諸侯偽效烏餘

之封者注效致也使齊魯宋偽若致邑封烏餘者而

遂執之盡獲之注皆獲其徒衆皆取其邑而歸諸侯

諸侯是以睦于晉注傳言趙文子賢故平公雖失政

而諸侯猶睦疏

正義曰古本亦有不重言諸侯者今定本重有諸侯若重言諸侯則天下

諸侯以此事故皆睦于晉也劉炫云晉宋古本皆不重言諸侯則唯謂齊魯宋三國睦耳不重是也

○

齊慶封來聘其車美孟孫謂叔孫曰慶季之車不亦

美乎注季慶封字叔孫曰豹聞之服美不稱必以惡

終美車何為叔孫與慶封食不敬為賦相鼠亦不知

也注相鼠詩鄘風曰相鼠有皮人而無儀人而無儀

不死何為慶封不知此詩為已言其闇甚為明年慶

封來奔傳音義

稱尺證反為賦于偽反注同相息亮反注同鄘音容

○衛甯喜

專公患之公孫免餘請殺之注免餘衛大夫公曰微

甯子不及此注及此反國也吾與之言矣注言政由

甯氏事未可知注恐伐之未必勝祇成惡名止也注

祇適也音義

祇音支注同

對曰臣殺之君勿與知乃與公

孫無地公孫臣謀注二公孫衛大夫音義

勿與音預

使攻

甯氏弗克皆死注無地及臣皆死公曰臣也無罪父

子死余矣注獻公出時公孫臣之父為孫氏所殺疏

注正義曰十四年傳曰公使子蟜子伯子皮與孫子盟于丘宮孫子皆殺之彼所殺者皆是公子而此臣是公孫公言臣也無罪父子死余知是爾時死耳亦不知彼所殺者誰是臣之父也夏免餘復

攻甯氏殺甯喜及右宰穀尸諸朝注穀不書非卿也

音義

復扶又反

石惡將會宋之盟受命而出衣其尸枕之

股而哭之欲斂以亡懼不免且曰受命矣乃行注行

會于宋為明年石惡奔傳音義

衣于既反枕之鳩反斂力驗反

子鮮

曰逐我者出注謂孫林父納我者死注謂甯喜音義

納本又作內音納

賞罰無章何以沮勸君失其信而國無刑

不亦難乎注難以治國音義

沮在呂反疏正義曰逐我者應死而得生出

納我者有功而更身死章明也沮止也罰有罪所以止人為惡賞有功所以勸人為善今賞罰既無章明何以得為止勸乎刑法也君失其信違信而殺甯喜而國無法賞罰無所章明以此為國不亦難乎言治國難也且鱣寔使之注使甯喜納君遂出奔晉公使止

之不可注不肯留及河又使止之止使者而盟于河

注誓不還音義

使者所吏反

託於木門注木門晉邑不鄉

衛國而坐注怨之深也音義

鄉許亮反本亦作嚮

木門大夫勸

之仕不可曰仕而廢其事罪也從之昭吾所以出也

將誰愬乎注從之謂治其事也事治則明已出欲仕

無所自愬音義

愬息路反

吾不可以立于人之朝矣終身

不仕注自誓不仕終身疏

注正義曰終身不仕叙事辭也言自誓不仕以終其

身故傳言終身不仕也此終身者子鮮之身終也下云公喪之終身者獻公之身終也獻公以二十九年夏卒其子鮮之卒蓋差在獻公之前耳故公喪服以終身也

公喪之如稅服終身

注稅即總也喪服總纁裳縷細而希非五服之常本

無月數痛愬子鮮故特為此服此服無月數而獻公

尋薨故言終身音義

喪息郎反又息浪反稅徐云讀總音歲注同服音吐外反纁本

亦作衰音疏

注正義曰傳云公喪之者言公為之服喪服也禮無稅服之名如稅服者不知

何服也服虔云衰麻已除日月已過乃聞喪而服是為稅服服之輕者案禮記過而追服寔名為稅以聞凶之日為服喪之始其服過追而服之衰麻不為有異何云服之輕者公若依彼稅服法其兄弟之服則還是齊衰期耳何以得云如也杜以其義不通故云稅即總也當是聲相近而字改易耳喪服有總衰裳牡麻經既葬除之其章唯有諸侯大夫為天子以外無人服此服也喪服傳曰總衰者小功之總也鄭玄云治縷如小功而成布四升半細其縷者以恩輕升數少者以服至尊凡布細而疎者謂之總是總者縷細而希疎也喪服之文在大功之下小功之上是非五服之常也既葬除之是本無月數也禮天子諸侯絕旁期計公子子鮮不應為之服獻公痛愍子鮮特為服此服也此服既無月數獻公服之不自云幾月

當止獻公尋自身薨至死未釋此服故云終身也兄弟之服本服期耳獻公驕淫之君不應過其常月杜言獻公尋薨謂此子鮮公與免餘邑六十辭曰唯卿之卒差在獻公前耳

倘百邑臣六十矣下有上祿亂也注此一乘之邑非

四井之邑論語稱千室又云十室明通稱音義

乘繩證反

通稱尺

疏

注正義曰司馬法成方十里出草車一乘此一乘之邑每邑方十里也論語云百乘

之家大夫之家邑有百乘是百乘為采邑之極此云唯卿備百邑知所言邑者皆是一乘之邑非四井之邑也杜以一乘名邑書傳無文故引臣弗敢聞且甯論語千室十室明其大小通稱邑也

子唯多邑故死臣懼死之速及也公固與之受其半

以為少師公使為卿辭曰太叔儀不貳能贊大事注

贊佐也音義

少詩照反

君其命之乃使文子為卿注文子

太叔儀○宋向戌善于趙文子又善于令尹子木欲

弭諸侯之兵以為名注欲獲息民之名音義

弭徐武婢反

如晉告趙孟趙孟謀於諸大夫韓宣子曰兵民之殘

也財用之蠹注蠹害物之蟲音義

蠹本又作蠹丁故反

疏

正義釋

蟲云蝸桑蠹李巡云蝸木蟲也穆天子傳云天子蠹書于羽陵曝去書內簡中之蟲是蟲在木中謂之為蠹昭三年傳云公聚朽蠹則在諸物之中皆名為蠹故云害物之蟲也害物之蟲既名為蠹故害于物者

皆以蠹言之孫子兵書云興軍十萬日費千金是兵為財用之蠹也小國之大蓄也將

或弭之雖曰不可必將許之注言雖知兵不得久弭

今不可不許音義

音

弗許楚將許之以名諸侯則

我失為盟主矣晉人許之如楚楚亦許之如齊齊人難之陳文子曰晉楚許之我焉得已且人曰弭兵而我弗許則固携吾民矣將焉用之齊人許之告于秦秦亦許之皆告于小國為會于宋五月甲辰晉趙武至于宋丙午鄭良霄至六月丁未朔宋人享趙文子

叔向為介司馬置折俎禮也注折俎體解節折升之

于組合卿享宴之禮故曰禮也周禮司馬掌會同之

事音義

難之乃旦反下懼難同馬于虔反下將馬用馬能皆同介音界後注同折之說反注同徐

又音制俎

疏

正義曰折俎謂體解節折升之于俎周語文也宣十六年傳曰王享有體薦宴

莊呂反

有折俎公當享卿當宴王室之禮也彼傳之意言享公當依享法有體薦也享卿當如宴法有折俎也彼王自言之故云王室禮耳其諸侯之待公卿禮法亦當然也故此享趙孟而置折俎合卿享宴之禮故曰禮也周禮大司馬云大會同則帥士庶子而掌其政令大祭祀饗食羞牲魚是司馬掌會同薦羞之事故宋人此享令司仲尼使舉是禮也以為多文辭注宋馬置折俎也

向戌自美弭兵之意敬逆趙武趙武叔向曰享宴之

會展賓主之辭故仲尼以為多文辭音義

使舉是禮也沈云舉

謂記錄之也

疏

正義曰此文甚略本意難知盖于此享也賓主多有言辭時人跡而記之仲尼見其

事善其言使弟子舉是宋享趙孟之禮以為後人之法丘明述其意仲尼所以特舉此禮者以為此享多文辭以文辭可為法故特舉而施用之注正義曰杜以賓主之辭禮有定式于此享也何以獨多故解其多辭之意服虔云以其多文辭故特舉而用之後世謂之孔氏聘辭以孔氏有其辭故傳不復載也所言孔氏聘辭不知事何所出寔享禮而謂之為聘舉舊辭而目曰孔氏事亦不必然也

戊申叔孫

豹齊慶封陳湏無衛石惡至注湏無陳文子甲寅晉

荀盈從趙武至注趙武命盈追已故言從趙武後武

遣盈如楚疏

正義曰沈氏曰知非晉侯命者若是晉侯應云甲寅荀盈至今云從武至故知

趙武命也杜云後武遣盈如楚見此意耳

丙辰邾悼公至注小國故君自

來壬戌楚公子黑肱先至成言于晉注時令尹子木

止陳遣黑肱就晉大夫成盟載之言兩相然可音義

肱古弘反

丁卯宋向戌如陳從子木成言于楚注就于陳

成楚之要言戊辰滕成公至注亦小國君自來子木

謂向戌請晉楚之從交相見也注使諸侯從晉楚者

更相朝見音義

更音庚見賢遍反

庚午句戌復于趙孟趙孟

曰晉楚齊秦匹也晉之不能于齊猶楚之不能于秦

也注不能服而使之楚君若能使秦君辱于敝邑寡

君敢不固請于齊注請齊使朝楚壬申左師復言于

子木子木使驛謁諸王注驛傳也謁告也音義

驛人實反

傳涉

戀反

王曰釋齊秦他國請相見也注經所以不書齊

秦秋七月戊寅左師至注從陳還是夜也趙孟及子

皙盟以齊言注子皙公子黑肱素要齊其辭至盟時

不得復訟爭音義

哲星厯反復扶又反

庚辰子木至自陳陳孔

奭蔡公孫歸生至注二國大夫與子木俱至曹許之

大夫皆至以藩為軍注示不相忌音義

藩方疏正義元反曰古

人行兵止則築為壘塹以備不虞此藩
籬為軍者方欲弭兵以示不相忌也

晉楚各處其

偏注晉處北楚處南伯夙謂趙孟曰注伯夙荀盈疏

注正義曰伯夙即是荀盈于傳亦無明據未測何以知之服虔云伯夙晉大夫其意以為別有伯夙非荀

盈也楚氛甚惡懼難注氛氣也言楚有靄晉之氣音義

氛芳云反徐扶云反

趙孟曰吾左還入于宋若我何注營在宋

北東頭為上故晉營在東有急可左迴入宋東門辛已將盟于宋西門之外楚人衷甲注甲在夜中欲因

會擊晉音義

衷音中徐丁仲反

伯州犂曰合諸侯之師以為

不信無乃不可乎夫諸侯望信于楚是以來服若不
信是棄其所以服諸侯也固請釋甲子木曰晉楚無
信久矣事利而已苟得志焉焉用有信太宰退注太
宰伯州犂告人曰令尹將死矣不及三年求逞志而
棄信志將逞乎志以發言言以出信信以立志參以

定之注志言信三者具而後身安存信亡何以及三

注為明年子木死起本疏

正義曰志將逞乎言其不得逞也在心為志出口為

言志有所之言乃出口故志以發言也與人為信必言以告之故言以出信也于人有信志乃得立故信以立志也人之處身于世常恐不得安定參即三也言也信也志也三者俱備然後身得安定欲安其身用此三者以定之信亡則志不立失志必死不久何以得及三年

趙孟患楚衷甲以

告叔向叔向曰何害也匹夫一為不信猶不可單斃

其死注單盡也斃踣也音義

單音丹注同斃婢世反踣蒲北反

疏

正義

曰匹夫謂賤人也賤人一為不信猶尚不可況國卿也不信之人盡踣其死言無得生者前覆曰踣謂倒

地死也

若合諸侯之卿以為不信必不捷矣食言者不

病注不病者單斃于死疏

正義曰不病者不唯病害而已必至于死也言之不

用若食之消散故謂無信為食言也

非子之患也注楚食言當死晉不

食言故無患夫以信召人而以僭濟之注濟成也音

義

僭子念反不信也

必莫之與也安能害我且吾因宋以守

病注為楚所病則欲入宋城則夫能致死與宋致死

雖倍楚可也注宋為地主致死助我則力可倍楚音

義

夫如字或音扶

子何懼焉又不及是曰弭兵以召諸侯而

稱兵以害我注稱舉也疏

正義曰夫謂宋也宋能致死助我今晉師與宋致死

不但唯敵于楚雖更力倍于楚可也子何須懼焉又想楚人之情不應及是之惡

吾庸多矣

非所患也注晉獨取信故其功多季武子使謂叔孫以公命曰視邾滕注兩事晉楚則貢賦重故欲比小

國武子恐叔孫不從其言故假公命以敦之疏

注正義曰

案傳上文六月戊申叔孫豹至丁卯何戌如陳從子木成言于楚子木乃請晉楚之從交相見則叔孫發魯之時未有此交相見之議也子木既有此請季孫在國聞之季孫使謂叔孫者使人就宋謂之也于時季氏專魯國之利害季孫所量自慮兩屬貢賦必重疑邾滕將為人之私故令豹比視小國此直季孫意

耳非公意也若是餘人為使季孫以己意命之無敢違者但叔孫強直季孫所憚告以己意恐不見從故假稱公命以敦勸之望其敬公命而遂己志也長厯丁卯是六月二十一日也辛巳是七月五日也丁卯已有此議辛巳乃始結盟則叔孫既得公命其去盟日猶遠反魯復請足得往來但叔孫知非公命不復更請臨盟則率己之意自從所欲故釋例云豹不登朝固請受命而行邾滕降次事非機危既不馳請又不辭會率意改命失命之甚是言其間定得反請而叔孫不請故責之也

既而齊人請邾

宋人請滕皆不與盟注私屬二國故音義

與音預

叔孫

曰邾滕人之私也我列國也何故視之宋衛吾匹也乃盟故不書其族言違命也注季孫專政于國魯君

非得有命今君唯以此命告豹豹宜崇大順以顯弱

命之君而遂其小是故貶之疏

注正義曰季孫專政于國魯君非得有命

此以公命非公可知叔孫亦知非公命故不肯從之其寔叔孫違命止違季孫意耳但季孫假以公命謂之叔孫雖內知非公而其辭稱公即湏從命叔孫既得此命宜應內自思省我君由來無命今君唯以此命命我事雖非理亦宜聽從如是則敬君之情深矣豹宜崇此大順之道以顯弱命之君而乃校計公言是非不肯同于小國遂其小是以忘大順故貶之此義至妙唯杜始得之矣賈逵云叔孫義也魯疾之非也服虔云叔孫欲尊魯國不為人私雖以違命見貶其于尊國之義得之案經去其族是文貶也傳言違命是寔惡也賈服違經反傳背左氏異孔子孔子貶之賈逵賞之丘明言其違命服虔善其尊國是不以

丘明之言解左傳不以孔子之意說春秋也

晉楚爭先注爭先歃血晉人

曰晉固為諸侯盟主未有先晉者也楚人曰子言晉

楚匹也若晉常先是楚弱也且晉楚狎主諸侯之盟

也久矣注狎更也音義

先晉悉薦反或如字狎戶甲反更音庚

疏

正義曰陳

蔡鄭許乍南乍北成二年楚公子嬰齊為蜀之盟諸夏之國大夫皆在是晉楚更代主諸侯之盟寔久也

豈專在晉叔何謂趙孟曰諸侯歸晉之德只注只辭

音義

只之氏反

非歸其尸盟也注尸主也子務德無爭先

且諸侯盟小國固必有尸盟者注小國主辨具音義

辨皮疏

注正義曰盟實大國為主而此云小國主盟

覓反

知其主辨具也哀十七年公會齊侯盟于蒙

孟武伯問于高柴曰諸侯盟誰執牛耳季羔曰鄆衍之役吳公子姑曹發陽之役衛石魋武伯曰然則曷也所言主辨具者如彼執牛耳之類皆小國主備之法當小國執牛耳鄆行吳公子執之者于時吳為盟主夷不知禮故自使其人執之也盟法大國制其言小國尸其事此盟爭先歆不爭主備叔向以小國主盟為言者叔向以久爭不決或將戰鬪因盟時小國有所主欲令趙孟下楚假此以勸之耳

楚為

晉細不亦可乎注欲推使楚主盟乃先楚人書先晉

晉有信也注蓋孔子追正之壬午宋公魚享晉楚之

大夫趙孟為客注客一坐所尊故季孫飲大夫酒臧

紇為客音義

坐才卧反
飲於鵠反

疏

注正義曰享宴之禮賓旅雖多特以一人為客燕禮

者諸侯燕臣之禮也經云小臣納卿大夫卿大夫皆入門右北面東上乃云射人請賓公曰命某為賓賓出立于門外更使射人納賓公降一等揖之賓即客也是客一坐所尊也季孫飲大夫酒臧紇為客二十三年傳也魯語云公公父文伯飲南宮敬叔酒路堵父為客羞鼈小堵父怒相延食鼈辭曰將使鼈長而食之遂出文伯母聞之怒曰吾聞之先子曰祭養上尸享養上賓鼈于何有而使夫人怒也是一坐所尊敬之事也案燕禮記公與卿燕則大夫為賓與大夫燕亦大夫為賓又聘禮燕聘賓則以上介為賓此宋公享大夫以趙孟為客者燕禮謂與已之臣子燕嫌卿敵公故以大夫為賓聘禮據特來聘者敬其使人故使介為賓此則魚享晉楚大夫異于常禮以尊敬霸主之國故令趙孟為客服虔云楚君恒以大夫為賓

者大夫卑雖尊之猶遠君也楚先歆為盟主故尊趙孟為客案此享宋為主非楚為主服之妄也劉炫云兼享晉楚之大夫不以屈建為賓者賓唯一人出自當時意耳

子木與之言弗能對

使叔向待言焉子木亦不能對也

正義曰上云晉卿不如楚其大

夫則賢是也

乙酉宋公及諸侯之大夫盟于蒙門之外注

前盟諸大夫不敢敵公禮也今宋公以近在其國故

謙而重盟重盟故不書蒙門宋城門音義

重直用反下二字同

子木問于趙孟曰范武子之德何如注士會賢聞于

諸侯故問之音義

聞音問又如字

對曰夫子之家事治言於

晉國無隱情其祝史陳信於鬼神無愧辭注祝陳馨

香德足副之故不愧音義

治直吏反愧九位反

子木歸以語王

王曰尚矣哉注尚上也音義

語魚據反下同

能歌神人注歌

享也使神享其祭人懷其德音義

歌所金反

宜其光輔五

君以為盟主也注五君謂文襄靈成景疏

正義曰晉語皆祐

對范宣子曰武子佐文襄諸侯無二心為卿以輔成
景軍無敗政及為元帥居太傅國無奸民是以受隨
范是其光輔五君也服虔云文公為戎右
襄靈為大夫成公為卿景公為太傅也

子木又語

王曰宜晉之伯也有叔何以佐其卿楚無以當之不

可與爭晉荀盈遂如楚泣盟注重結晉楚之好音義

好呼報反

○鄭伯享趙孟于垂隴注自宋還過鄭音義

隴力

勇反子展伯有子西子產子太叔二子石從注二子石

印段公孫段音義

從才用反

趙孟曰七子從君以寵武也

請皆賦以卒君貺武亦以觀七子之志注詩以言志

子展賦草蟲注草蟲詩召南曰未見君子憂心忡忡

亦既見止亦既覯止我心則降以趙孟為君子音義

蟲直忠反台上照反下同忡勑忠反覯古豆反降戶江反又如字下注同

趙孟曰善哉民

之主也注在上不忘降故可以主民抑武也不足以

當之注辭君子伯有賦鶉之賁賁注鶉之賁賁詩鄘

風衛人刺其君淫亂鶉鵲之不若義取人之無良我

以為兄我以為君也音義

鶉順倫反
賁音奔

疏

注正義曰伯有賦此詩者

義取人之無善行者我以此為君是有嫌君之意於
時鄭簡公是穆公之玄孫良霄是穆公之曾孫君非
良霄之兄杜言并取人之無良我以為兄者因
詩成文故連言之劉君以為非兄而規杜非也

趙孟

曰林第之言不踰閭況在野乎非使人之所得聞也

注第第也此詩刺淫亂故云林第之言閭門限使人

趙孟自謂音義

第測里反閩音域徐况逼疏注正義反使所吏反注同箒音責曰釋器

云箒謂之第孫炎曰林也郭璞曰林版也然則林是大名箒是林版檀弓云大夫之箒與箒名亦得統林故孫炎以子西賦黍苗之四章注黍苗詩小雅四章為林也

曰肅肅謝功召伯營之烈烈征師召伯成之比趙孟

於召伯趙孟曰寡君在武何能焉注推善于其君子

產賦隰桑注隰桑詩小雅義取思見君子盡心以事

之曰既見君子其樂如何音義

盡津忍反樂音洛下注及文至樂以安民

並同趙孟曰武請受其卒章注卒章曰心乎愛矣遐不

謂矣中心藏之何日忘之趙武欲子產之見規誨子

太叔賦野有蔓草注野有蔓草詩鄭風取其邂逅相

遇適我願兮音義

蔓音萬邂逅反迤戶迤反

趙孟曰吾子之惠

也注大叔喜於相遇故趙孟受其惠印段賦蟋蟀注

蟋蟀詩唐風曰無以大康職思其居好樂無荒良士

瞿瞿言瞿瞿然顧禮義音義

申一忍反蟀所律反大康音泰居音據好呼報

反下同瞿

瞿居什反

趙孟曰善哉保家之主也吾有望矣注能

戒懼不荒所以保家疏

正義曰大夫稱主言是守家之主不忘族也下云數世之

主亦然 公孫段賦桑扈注桑扈詩小雅義取君子有禮

文故能受天之祐音義 趙孟曰匪交匪敖福將

焉往注此桑扈詩卒章趙孟因以取義音義 反焉於

虔反下政 其焉往同 若保是言也欲辭福祿得乎卒享文子告

叔向曰伯有將為戮矣詩以言志志誣其上而公怨

之以為賓榮注言誣則鄭伯未有其實趙孟倡賦詩

以自寵故言公怨之以為賓榮音義 倡昌亮反 疏正義曰

志發言為詩是詩所以言人之志意也鄭君寔未有罪伯有稱人之無良是誣其上也但伯有不臣被公

之所怒以公怒怒當自須掩蓋而賦詩道公無良反
將公之所怒以為賓之榮寵劉炫云而公顯然將比
來之怨以為對
賓之榮樂也
其能久乎幸而後亡注言必先亡叔

句曰然已侈所謂不及五稔者夫子之謂矣注稔年

也為三十年鄭殺良霄傳音義

俊昌氏反又戶氏反
字林充政反稔而甚

反熟也穀一
穀故為一年

文子曰其餘皆數世之主也子展其後

亡者也在上不忘降注謂賦草蟲曰我心則降音義

數所
主反

印氏其次也樂而不荒注謂賦蟋蟀曰好樂無

荒樂以安民不淫以使之後亡不亦可乎疏

正義曰
印段賦

蟋蟀義取好樂無荒即不淫也好樂則用樂以安民也其使民也又不淫以使之民皆愛之守位必固在人後已不亦可乎

○宋左師請賞曰請免死之邑注欲宋君

稱功加厚賞故謙言免死之邑也疏

注正義曰服虔云何成自以止

兵民不戰鬪自矜其功故求免死之賞也如服此言免死謂止兵不鬪民免死也杜以為謙則何成自以為已免死也若使計謀不當則罪合死自矜其功言已得免死故請賞邑也

公與之邑六

十以示子罕子罕曰凡諸侯小國晉楚所以兵威之畏而後上下慈和慈和而後能安靖其國家以事大國所以存也無威則驕驕則亂生亂生必滅所以亡

也天生五材注金木水火土也民並用之廢一不可
誰能去兵兵之設久矣所以威不軌而昭文德也聖
人以興注謂湯武音義去起呂反亂人以廢注謂桀

下皆同

紂廢興存亡昏明之術皆兵之由也而子求去之不
亦誣乎以誣道蔽諸侯罪莫大焉縱無大討而又求

賞無厭之甚也削而授之注削賞左師之書音義蔽

世反徐亡世反服虔王肅董遇並作弊疏正義曰言

婢世反云踣也厭於鹽反徐於庶反疏之術者謂

德刑禮義是興存盛明之法術也驕淫殘虐是廢亡

昏闇之法術也皆兵之由者謂皆畏懼此兵行善不

行惡畏之則興不畏則亡故云皆兵之由也言不亦
誣乎者謂廢興存亡悲皆由兵向戍之意以廢興存
亡不須用兵是寔須而誣罔云不須故云不亦誣乎
服虔曰蔽踣也一曰罷也則知服本作弊王肅董遇
本皆作蔽謂以誣人之道掩諸侯也杜本作蔽當如
王董為蔽掩之也削而投之正義曰宋公賞邑書之
于札向戍執之以示子罕子罕削其字而又投之於
地也向戍初謀此事子罕不即止之而至此始怒者
蓋初謀子罕不知或子罕初
亦不覺久思乃知其非也

左師辭邑何氏欲攻司

城注司城子罕左師曰我將亡夫子存我德莫大焉
又可攻乎君子曰彼己之子邦之司直注詩鄭風司

主也音義

已音記

樂喜之謂乎注樂喜子罕也善其不

阿向戌何以恤我我其收之注逸詩恤憂也收取也

向戌之謂乎注善向戌能知其過○齊崔杼生成及

彊而寡注偏喪曰寡寡特也音義

喪息浪反

娶東郭姜生

明東郭姜以孤入曰棠無咎注無咎棠公之子音義

娶七佳反無咎音無本亦作无咎其九反

與東郭偃相崔氏注東郭偃姜

之弟音義

相息亮反

崔成有疾而廢之注有惡疾也疏注

正

義曰若非惡疾猶堪為後以疾而廢明是惡疾疾之惡者也不知其何疾也論語稱伯牛有疾不欲見人淮南子云伯牛癩此崔成猶能作亂未必是癩也彊無疾亦不得立者愛後妻欲立明故也

而立

明成請老於崔注濟南東朝陽縣西北有崔氏城成

欲居崔邑以終老音義

朝如字一音直遙反

崔子許之偃與無

咎弗子曰崔宗邑也必在宗主注宗邑宗廟所在宗

主謂崔明成與彊怒將殺之告慶封曰夫子之身亦

子所知也唯無咎與偃是從父兄莫得進矣大恐害

夫子敢以告注夫子謂崔杼疏

正義曰成彊是崔杼之子而云父兄者成

彊之意以崔杼任無咎與偃棄遠宗族不可自斥於已故舉宗族父兄也

慶封曰子姑退

吾圖之告盧蒲癸注癸慶封屬大夫封以成彊之言

告嬖音義

嬖普結反
徐數結反

盧蒲嬖曰彼君之讎也天或者

將棄彼矣彼實家亂子何病焉注君謂齊莊公為崔

杼所弑崔之薄慶之厚也注崔敗則慶專權他日又

告注成彊復告音義

復扶
又反

慶封曰苟利夫子必去之

難吾助女九月庚辰崔成崔彊殺東郭偃棠無咎於

崔氏之朝崔子怒而出其衆皆逃求人使駕不得使

圉人駕寺人御而出注圉人養馬者寺人奄士音義

難乃旦反女音

汝圉魚呂反

且曰崔氏有福止余猶可注恐滅家

禍不止其身遂見慶封慶封曰崔慶一也注言如一

家是何敢然請為子討之使盧蒲癸帥甲以攻崔氏

崔氏堞其宮而守之注堞短垣使其衆居短垣內以

守音義

請為于偽反下注癸為為齊莊同堞音牒徐養涉反

疏

正義曰謂新築女牆而守之

弗克使國人助之遂滅崔氏殺成與彊而盡俘其家

其妻縊注妻東郭姜癸復命於崔子且御而歸之注

癸為崔子御至則無歸矣乃縊注終入於其宮不見

其妻凶崔明夜辟諸大墓注開先人之冢以藏之音

義

辟婢亦反
徐甫亦反

辛巳崔明來奔慶封當國注當國秉政

○楚遂罷如晉泣盟注罷令尹子蕩報荀盈也音義

罷音皮

晉侯享之將出賦既醉注既醉詩大雅曰既醉

以酒既飽以德君子萬年介爾景福以美晉侯比之

太平君子也叔向曰遂氏之有後於楚國也宜哉承

君命不忘敏子蕩將知政矣敏以事君必能養民政

其焉往注言政必歸之○崔氏之亂注在二十五年

申鮮虞來奔僕賃於野以喪莊公注為齊莊公服喪

音義

賁女鵠反以喪如字又息浪反

冬楚人召之遂如楚為右尹注

傳言楚能用賢○十一月乙亥朔日有食之辰在申

司歷過也再失閏矣注謂斗建指申周十一月今之

九月斗當建成而在申故知再失閏也文十一年三

月甲子至今年七十一歲應有二十六閏今長歷推

得二十四閏通計少再閏釋例言之詳矣疏

注正義曰斗建

從甲至癸十者謂之日從子至亥十二者謂之辰傳言辰在申者謂其日昏時斗柄所指於十二辰為在申也九月當建成而建申故為再失閏也文十一年三月至今七十一歲應有二十六閏者歷法十九年

為一章章有七閏從文十一年至襄十三年凡五十七年已成三章當有二十一閏又從襄十四年至今為十四年又當有五閏故為應有二十六閏也長歷推得二十四閏者杜以長歷寔于其間分置二十四閏釋例云閏者會集數年餘日因宜以安之故閏月無中氣斗建斜指兩辰之間也魯之司歷漸失其閏至此年日食之月以儀審望知斗建之在申斗建在申乃是周家九月也而其時歷稱十一月故知再失閏也于是始覺其謬遂頓置兩閏以應天正以叙事期然則前閏月為建酉後閏月為建戌十二月為建亥而歲終焉是故明年經書春無冰傳以為時灾也若不復頓置二閏則明年春是今之九月十月十一月也今之九月十月十一月無冰非天時之異無緣總書春也尋案今世所謂魯歷者不與春秋相符殆來世好事者為之非真也今俱不知其法術俱依春秋經傳反覆其終始以求之近得其寔矣杜言以儀

審望者太史鑄銅作渾天儀列二十八宿之度設機闕候望以測七曜所在故於彼鑄銅儀而審望之知此月斗建申也長歷稱大九經傳有七百七十九日漢末宋仲子集七歷以考春秋魯歷得五百二十九日失二百五十日是其不與春秋相符也劉炫云遠取文十一年三月甲子者以三十年絳縣老人云臣生之歲正月甲子朔以全日故又云言通計者若據前閏以來短計不得有再失之理今遠從文十一年以來計之是為通計也

經二十有八年春無冰注前年知其再失閏置兩閏以應天正故此年正月建子得以無冰為灾而書音義

應應對
之應

夏衛石惡出奔晉注寧喜之黨書名惡之音義

惡之鳥路反

邾子來朝

秋八月大雩

仲孫羯如晉注告將朝楚音義

羯居謁反

冬齊慶封來奔注崔杼之黨者酒荒淫而出書名罪之

自魯奔吳不書以絕位不為卿音義

者市志反

十有一月公如楚注為宋之盟故朝楚音義

為于偽反

十有二月甲寅天王崩注靈王也

乙未楚子昭卒注康王也十二月無乙未日誤疏

注正義曰

甲寅之後四十二日始得乙未則甲寅乙未不得同月長歷推此年十二月戊戌朔甲寅是十七日其月無乙未也經有十一月十二月月不容誤知日誤也

傳二十八年春無冰梓慎曰今茲宋鄭其饑乎注梓

慎魯大夫今年鄭游吉宋向戌言之明年饑甚傳乃

詳其事音義

釋音

疏

注正義曰此年傳鄭游吉云歲之不易宋向戌云飢寒之不恤

是今年言之也明年傳云鄭飢子皮饑國人粟於是宋亦飢子罕請于平公出公粟以貸是詳其事也

歲在星紀而淫於玄枵注歲歲星也星紀在丑斗牛

之次玄枵在子虛危之次十八年晉董叔曰天道多在西北是歲歲星在亥至此年十一歲故在星紀明年乃當在玄枵今已在玄枵淫行失次音義枵許驕反疏

注正義曰左傳及國語所云歲在者皆謂歲星所在故云歲歲星也五星者五行之精也歷書稱木精曰歲星火精曰熒惑土精曰鎮星金精曰大白水精曰辰星此五者皆右行于天二十八宿則著天不動故謂二十八宿為經五星為緯言若織之經緯然也天有十二次地有十二辰丑子亥北方之辰也次之與辰上下相值故云星紀在丑玄枵在子釋天云星紀斗牽牛也玄枵虛也孫炎曰星紀日月五星之所終始也故謂之星紀虛在正北北方色玄故曰玄枵枵之言耗耗虛之意也漢書律歷志云星紀初斗十二

度終於婺女七度玄枵初婺女八度終於危十五度是星紀為斗牛之次玄枵為虛危之次也九年傳稱晉侯問公生歲乃曰十二年矣是謂一終一星終也言歲星大率十二年而一周天也十八年晉董叔曰天道多在西北是言其年歲星在亥也歲星右行於天至此年十一年耳行未及周故此年歲星常法當在星紀明年乃當在玄枵今年已在玄枵是其淫行失次也漢書律歷志載劉歆三統歷歆以為歲星一百四十四年行天一百四十五次一千七百二十八年為歲星歲數言數滿此年例得行天一周也三統之歷以庚戌為上元此年距上元積十四萬二千六百八十六歲置此歲數以歲星歲數一千七百二十八除之得積終八十二去之歲餘九百九十一以一百四十五乘歲餘得十四萬三千五百五十一以一百四十四除之得九百九十六為積次不盡一百二十六為次餘以十二除之得八十三去之盡是為此年更

發初在星紀也欲知此入次度者以次餘一百二十
六乘一次三十度以百四十四除之得二十六度餘
是歲星本平行此年之初已入星紀之次二十六度
餘當在婺女四度于法未入于玄枵也傳言淫于玄
枵未知已在玄枵幾度此舉其大率耳而五星之次
行有遲有疾有留伏逆順於歷法更自別有推步之
術此不可詳也

以有時菑陰不堪陽注時菑無冰也盛陰用

事而溫無冰是陰不勝陽地氣發洩音義

菑音災注同洩息列

反下

疏

注正義曰傳先言無冰乃載梓慎之語則梓慎之語為無冰而發知時菑謂春無冰也言

同

以有時菑者以此歲星淫行之年而有天時溫煖之
菑四時之序冬月當寒故溫則為菑害也冬月盛陰
用事陰寒在地當遏陽使不出時應寒而溫無冰是
陰陽相競陰氣不能勝陽故陽氣出地地氣發洩而

使時溫無冰也歲星自淫行天時自溫暖其溫不由
歲星梓慎以其年有二事而總言其占耳服虔云歲
為陽玄枵為陰歲乘陰進至玄枵陰不勝陽故溫無
冰案下云蛇乘龍乃謂玄枵乘歲星非歲星乘玄枵
也若必以此無冰謂歲乘玄枵所致則成元年春無
冰者豈謂歲星乘玄枵乎成十六年雨木冰者復是
玄枵乘歲星也

蛇乘龍注蛇玄武之宿虛危之星龍歲星歲

星木也木為青龍失次出虛危下為蛇所乘音義

宿音

秀下疏

注正義曰蟲獸在地而有象在天二十八宿
分在四方方有七宿共成一象東方為青龍

之象西方為白虎之象皆南首北尾也南方為朱鳥
之象北方為玄武之象皆西首東尾也曲禮說軍陳
象物云行前朱鳥後玄武左青龍右白虎是玄武在
北方也龜蛇二蟲共為玄武故蛇是玄武之宿虛危

之星也七星共為玄武但歲星淫行在虛危之分故特指虛危言之耳傳言蛇乘龍龍即歲星也歲星木精木位在東方東方之宿為青龍之象故歲星亦以龍為名焉龍行疾而失次出于虛危宿下龍在下而蛇在上是龍為蛇所乘也歲星天之貴神福德之星今被乘勢屈是不能祐其本國之象故知宋鄭饑也

龍宋鄭之星也注歲星本位在東方東方房心為宋

角亢為鄭故以龍為宋鄭之星音義

亢音剛又苦浪反

疏

注正

義曰歲星屬木木位在東方東方之次皆是龍分天之分野郊為大火辰為壽星大火房心為宋分壽星角亢為鄭分故龍為宋鄭之星也然則寅為析木之津析木燕之分野梓慎言不及燕別當有以知之非吾徒所能測也

宋鄭必饑玄枵虛中也注玄枵三宿虛星在

其中枵耗名也土虛而民耗不饑何為注歲為宋鄭

之星今失常淫入虛耗之次時復無冰地氣發洩故

曰土虛民耗音義

耗呼報反疏正義曰枵聲近耗故復扶又反枵是耗之名也次有

三宿虛為其中土虛不寔而人民耗損不饑何為也地氣發洩而使時溫無冰即是土虛之事也於時魯國無冰是魯亦地氣發洩下子服惠伯云飢寒之不恤是魯亦饑矣經不書饑饑當差於宋鄭故梓慎唯言宋鄭饑耳

○夏齊侯陳侯蔡侯北燕伯杞伯胡子沈子

白狄朝於晉宋之盟故也注陳侯蔡侯胡子沈子楚

屬也宋盟曰晉楚之從交相見故朝晉燕國今薊縣

音義

燕烏賢反
薊音計

疏

注正義曰傳言宋之盟故雖文在諸國之下止為楚屬發傳故杜明

之陳蔡胡沈為宋盟朝晉其齊燕杞狄先非楚屬其朝不為宋之盟也譜云北燕姬姓召公奭之後也周武王封之于燕居漁陽薊縣其國辟小不通諸夏自召公至簡公款二十九世始見經簡公子獻公十二年獲麟之歲也獻公子孝公七年春秋之傳終矣孝公立十五年卒孝公以下六世始大稱王十二世二百二十五年秦滅之

齊侯將行慶封曰我不與盟何為於晉注

以宋盟釋齊秦音義

與音預下同

陳文子曰先事後賄禮

也注事大國當先從其政事而後薦賄以副己心音

義

賄呼罪反

小事大未獲事焉從之如志禮也注言當從

大國請事以順其志疏

正義曰言小國之事大國也當每事順從若未獲大國所

命之事但如其志之所欲即不待彼命逆即從之如其志意禮也禮者自卑而尊人故先承志意是事大

之禮也

雖不與盟敢叛晉乎重丘之盟未可忘也子其

勸行注重丘盟在二十五年音義

重直龍反

○衛人討甯

氏之黨故石惡出奔晉衛人立其從子圃以守石氏

之祀禮也注石惡之先石碯有大功於衛國惡之罪

不及不祀故曰禮音義

從子才用反圃布古反碯七略反

○邾悼公

來朝時事也注傳言來朝非宋盟宋盟唯施於朝晉

楚○秋八月大雩旱也○蔡侯歸自晉入於鄭鄭伯
享之不敬子產曰蔡侯其不免乎注不免禍日其過
此也注往日至晉時音義

日人實反過古
禾古卧二反

君使子展

廷勞於東門之外而傲注廷往也音義

廷于况反後
同勞力報反

吾曰猶將更之今還受享而惰乃其心也君小國事
大國而惰傲以為已心將得死乎若不免必由其子

其為君也淫而不父注通大子班之妻音義

傲五報
反下同

情徒卧反君小國事
大國古本無小字

疏

正義曰晉宋古本及王肅注
其文皆如此君國謂為國君

言其為君之難也
今定本作小國

僞聞之如是者恒有子禍注為三

十年蔡世子班弑其君傳○孟孝伯如晉告將為宋

之盟故如楚也注魯晉屬故告晉而行音義

將為于偽反

○蔡侯之如晉也鄭伯使游吉如楚及漢楚人還之

曰宋之盟君實親辱注君謂鄭伯音義

還音環

今吾子

來寡君謂吾子姑還吾將使驛奔問諸晉而以告注

問鄭君應來朝否音義

驛人實反

子大叔曰宋之盟君命

將利小國而亦使安定其社稷鎮撫其民人以禮承

天之休注休福祿也音義

休許蚪反注同

此君之憲令而小

國之望也注憲法也寡君是故使吉奉其皮幣注聘

用乘皮束帛音義

乘繩證反

以歲之不易聘於下執事注

言歲有饑荒之難故鄭伯不得自朝楚音義

易以豉反難乃

旦反

今執事有命曰女何與政令之有必使而君棄而

封守跋涉山川蒙犯霜露以逞君心小國將君是望

敢不唯命是聽無乃非盟載之言以闕君德而執事

有不利焉小國是懼不然其何勞之敢憚疏

正義曰執事謂

楚也楚人詰大叔唯有止還之語耳今游吉還使鄭伯來故游吉原其意為此辭作甚之言耳而執事有不利焉違盟言闕君德是于楚為不利也

子大叔歸

小國是懼懼楚不利耳不敢自憚勞也

復命告子展曰楚子將死矣不脩其政德而貪昧於

諸侯以逞其願欲久得乎周易有之在復三三注震

下坤上復音義

女音汝何與音預跋涉白末反草行為跋水行為涉憚徒旦反

之頤

三三注震下艮上頤復上六變得頤音義

頤以之反

曰迷

復凶注復上六爻辭也復反也極陰反陽之卦上處

極位迷而復反失道已遠遠而無應故凶音義

應應對之

應

疏

正義曰卦從下起從下而畫陰爻至上六為純坤又得從下變之故復為極陰反陽之卦也上

處極位已極更無所往故為迷也既迷而後反本從下積而至迷是為失道已遠上應在三三亦陰爻遠而無應故凶也復易注云復反也還也陰氣侵陽陽失其位至此始還反起於初故謂之復陽君象君失國而還反道德更興也頤養也易注云頤者口車輔之名震動於下艮止於上口車動而上因輔爵物以養人故謂其楚子之謂乎欲復其願注謂欲得鄭朝頤為養也

以復其願疏

注正義曰楚子本意願鄭伯來朝全不顧道理唯欲復其本願

而棄其

本注不修德復歸無所是謂迷復注失道已遠又無

所歸能無凶乎君其往也送葬而歸以快楚心注言

楚子必死君往當送其葬楚不幾十年未能恤諸侯

也注幾近也言失道遠者復之亦難音義

幾居依反又音祈

疏

注正義曰幾近釋詁文也十者數之小成言失道遠者復之亦難故舉成數以言之周易復卦上六

爻云迷復凶有災青用行師終有大敗以其國君凶至於十年不克征是易有十年之語故游吉期之以十年服虔云此行也楚康王卒至昭四年楚靈王合諸侯于申距今八年故曰不幾十年是謂十年不克

征也

吾乃休吾民矣注休息也言楚不能復為害音義

復扶又反下復顧同

裨竈曰今茲周王及楚子皆將死注裨竈

鄭大夫音義

裨避支反

歲棄其次而旅於明年之次以害

鳥帑周楚惡之注旅客處也歲星棄星紀之次客在
玄枵歲星所在其國有福失次於北禍衝在南南為
朱鳥鳥尾曰帑鶉火鶉尾周楚之分故周王楚子受
其咎俱論歲星過次梓慎則曰宋鄭饑裨竈則曰周

楚王死傳故倘舉以示卜占惟人所在音義帑音奴
惡如字

一音鳥路反衝尺

疏

注正義曰易有旅卦傳言羈旅
旅皆是客故為客處也歲星常

容反分扶問反

行之度此年當在星紀星紀是其所居之次也今歲
星棄其所居星紀之次乃客處在於明年所居之次
言其未應往而往向彼玄枵之次為客寄也昭三十
二年傳云越得歲而吳伐之必受其凶是歲星所在

其國有福當福之衝其國有禍今失次於北故禍衝在南子午之位南北相衝淫於玄枵衝當鶉火南方為朱鳥之宿帑者細弱之名於人則妻子為帑於鳥則鳥尾曰帑妻子為人之後鳥尾亦鳥之後故俱以帑為言也天之分野鶉火周分鶉尾楚分歲星之衝當此周楚之分故周王楚子受其咎也歲星客在玄枵惟衝鶉火而鶉尾亦有咎者蓋以歲星漸西衝則漸東尾之於鳥猶是一身故衝其身而及其尾此則裨竈能知亦非吾徒所測也此與上文俱論歲星過次所占不同其事俱驗而丘明兩載之是傳故備舉以示卜占效驗惟人所在言其知之于人各自有意見也

○九月鄭游吉如晉

告將朝於楚以從宋之盟子產相鄭伯以如楚舍不

為壇注至故國郊除地封土為壇以受郊勞音義

鄭相

息亮反下同壇徒丹反勞力報反

疏

注正義曰聘禮賓至於近郊君使卿用束帛勞無設壇之法下

云先君適四國未嘗不為壇蓋以朝禮君親行事重故有之也禮有壇墠者先儒以為除地曰墠封土曰壇此并言除地封土者尚書金縢云三壇同墠是作壇在除地之內故除地封土并言之服虔本作墠解云除地為墠王肅本作壇而解云除地坦坦者則讀為墠也按下云作壇以昭其功昭其禍若是除地草穢尋生不足以昭示後人杜言壇是也下言草舍者不為壇則不除地故為草舍耳

外僕言曰

昔先大夫相先君適四國未嘗不為壇注外僕掌次

舍者自是至今亦皆循之疏

正義曰因循不廢也

今子草舍無

乃不可乎子產曰大適小則為壇小適大苟舍而已

焉用壇僑聞之大適小有五美宥其罪戾赦其過失

救其菑患賞其德刑注刑法也音義

焉用於虔反下焉用作壇焉辟

之又焉用盟皆同宥音又菑音灾

教其不及小國不困懷服如歸是

故作壇以昭其功宣告後人無怠於德注怠解也音

義解佳賣反

小適大有五惡說其罪戾注自解說也請其

不足行其政事注奉行大國之政共其職貢從其時

命注從朝會之命音義

共音恭

不然則重其幣帛以賀

其福而弔其凶皆小國之禍也焉用作壇以昭其禍

所以告子孫無昭禍焉可也注無昭禍以告子孫○

齊慶封好田而者酒與慶舍政注舍慶封子慶封當

國不自為政以付舍音義

好呼報反者市志反

則以其內實遷

於盧蒲嬖氏易內而飲酒注內實寶物妻妾也移而

居嬖家數日國遷朝焉注就於盧蒲氏朝見封音義

數所主反疏

正義曰慶封雖與舍政使舍知政事耳見賢通反封猶有當國之重故國之卿大夫皆遷

就嬖家

使諸亡人得賊者以告而反之注亡人辟崔

氏難出奔者音義

難乃

疏

正義曰崔氏之亂但是莊旦反公之黨崔氏以之為賊當

時辟難並悉出奔崔氏既亡慶封召令還國故言使諸逃亡之人得賊名而出者以己情告而患反之

故反盧蒲癸癸臣子之注子之慶舍有寵妻之注子

之以其女妻癸音義

妻七計反注及下注皆同

慶舍之士謂盧蒲

癸曰男女辨姓子不辟宗何也注辨別也別姓而後

可相取慶氏盧蒲氏皆姜姓音義

別彼列反下同相取七位反本亦作

娶

曰宗不余辟注言舍欲妻已疏

正義曰男女辨姓則妻亦辟宗癸謂

慶舍為宗言彼宗不於余相辟也

余獨焉辟之賦詩斷章余取所求

焉惡識宗注言已苟欲有求於慶氏不能復顧禮譬

如賦詩者取其一章而已音義

斷音短惡音烏安也注同

癸言王

何而反之二人皆嬖注二子皆莊公黨二十五年崔

氏弑莊公癸何出奔今還求寵於慶氏欲為莊公報

讐音義

嬖必計反下同欲為於偽反

使執寢戈而先後之注寢戈

親近兵杖音義

先患薦反後戶豆反近附之近杖直亮反

公膳日雙雞

注卿大夫之膳食音義

膳市戰反謂公家供卿大夫之常膳

疏

正義曰按禮記

玉藻云天子日食少牢朔月大牢諸侯日食特牲朔月少牢其大夫則日食特豚朔月特牲今膳日雙雞者齊國臨時之事不如禮也

饗人竊更之以鶩御者知之則去其

肉而以其洎饋注御進食者饗人御者欲使諸大夫

怨慶氏減其膳蓋盧蒲癸王何之謀音義

鴛徐音木鴨也去起

呂反藏也洎其器反肉汁也說文云

疏

正義曰釋鳥云舒鳧鴛舍

人曰鳧野名也鴛家名也李巡曰野曰鳧家曰鴛郭璞曰鴨也然則謂之舒者舒遲也家養馴不畏人故飛行遲以遲別野名耳其為鴨一也說文云洎灌釜也周禮士師職云祀五帝則洎鑊水鄭玄云洎謂增其沃汁也然則洎者添釜之名添水以為肉汁遂名肉汁為洎去肉而空以汁饋欲其怨之深也

雅子尾怒注二子皆惠公孫疏

注正義曰昭三年傳云二惠競爽猶可又

十年傳曰齊惠藥高氏皆者酒是知皆惠公孫也

慶封告盧蒲癸注以二子

怒告嬖盧蒲嬖曰譬之如禽獸吾寢處之矣注言能
殺而席其皮使析歸父告晏平仲注欲與共謀子雅
子尾平仲曰嬰之衆不足用也知無能謀也言弗敢
出注不敢洩謀音義知無音智有盟可也子家曰子之言

云注子家析歸父又焉用盟告北郭子車注子車齊
大夫子車曰人各有以事君非佐之所能也注佐子
車名陳文子謂桓子曰注桓子文子之子無字禍將
作矣吾其何得對曰得慶氏之木百車於莊注慶封

時有此木積於六軌之道疏

注正義曰釋宮云六達謂之莊注爾雅者皆以

為六道旁出杜以九達並九軌故亦以莊為六軌也

文子曰可慎守也已注善

其不志於貨財盧蒲癸王何卜攻慶氏示子之兆注

龜兆曰或卜攻讐言敢獻其兆子之曰克見血冬十月

慶封田於萊陳無宇從丙辰文子使召之請曰無宇

之母疾病請歸慶季卜之注季慶封音義

萊音來從才用反

示之兆曰死奉龜而泣注無宇泣音義

奉芳勇反

乃使歸

慶嗣聞之注嗣慶封之族音義

慶嗣繼嗣之嗣本或作慶嗣誤

曰禍

將作矣謂子家速歸注子家慶封字禍作必於嘗注

嘗秋祭歸猶可及也子家弗聽亦無悛志注悛改寤

也音義悛七全反寤五故反

子息曰亡矣幸而獲在吳越注子

息慶嗣陳無宇濟水而戕舟發梁注戕殘壞也不欲

慶封得救難音義

戕在羊反難乃旦反下外難同

盧蒲姜謂癸曰有

事而不告我必不捷矣注姜癸妻慶舍女癸告之注

告欲殺慶舍姜曰夫子愼莫之止將不出我請止之

注夫子謂慶舍音義

愼皮逼反

癸曰諾十一月乙亥嘗於

大公之廟慶舍泣事注臨祭事音義

大音泰

盧蒲姜告

之且止之弗聽曰誰敢者遂如公注至公所麻嬰為

尸注為祭尸慶隼為上獻注上獻先獻者音義

隼戶結反

疏正義曰祭祀之禮主人先獻下文慶舍死公懼而歸則於時公親在矣又此祭慶舍泣事公與慶舍不為上獻而隼為上獻者慶舍使為之不可以禮責也隼即繩也為下殺慶繩張本

盧蒲癸王

何執寢戈慶氏以其甲環公宮注廟在宮內音義

環如

字徐音患

陳氏鮑氏之圉人為優注優俳音義

優於求反俳皮皆反

疏注正義曰優者戲名也晉語有優施史記滑稽傳有優孟優旃皆善為優戲而以優著名史游急就

篇云倡優俳笑是優俳一物而二名也今之散樂戲
為可笑之語而令人之笑是也宋大尉袁淑取古之
文章令人笑者次而
題之名曰俳諧集 慶氏之馬善驚士皆釋甲束馬

注束絆之也音義

絆音半

疏

正義曰善驚謂數驚古人有此語今人謂數驚為好

驚好亦善之意也

而飲酒且觀優至於魚里注魚里里名優

在魚里就觀之疏

注正義曰杜以優在魚里士往觀之劉炫以為國人從旁為優引行

以至魚里以規杜氏但傳文不顯古事難知輒以為規一何煩碎

藥高陳鮑之徒介

慶氏之甲注藥子雅高子尾陳陳湏無鮑鮑國音義

介音 子尾抽桶擊扉三注桶椽也扉門闔也以桶擊

扉為期音義

楠音角扉音非門扇也
椽直專反闔戶槩反

盧蒲癸自後刺

子之王何以戈擊之解其左肩猶援廟楠動於夢注

薨屋棟音義

刺七亦反援音爰薨
亡耕反字林亡成反

疏

注正義曰先儒
相傳為然也張

衡西京賦曰薨宇齊平言諸物棟簷高下等也說文
云薨棟梁也是又名為梁此是屋上之長材椽所以
馮依者也今以俎壺投殺人而後死注言其多力遂
俗謂之屋脊

殺慶繩麻嬰注慶繩慶集公懼鮑國曰羣臣為君故

也注言欲尊公室非為亂音義

為亂于偽反
下為之誦同

陳湏無

以公歸稅服而如內宮注言公懼於外難音義

稅吐
活反

一音如字

慶封歸遇告亂者丁未伐西門弗克還伐北門

克之入伐內宮注陳鮑在公所故弗克反陳於獄注

獄里名音義

陳直覲反
獄五角反

請戰弗許遂來奔獻車於季

武子美澤可以鑑注光鑑形也音義

鑑古暫反

展莊叔見

之注魯大夫曰車甚澤人必瘁宜其亡也叔孫穆子

食慶封慶封汜祭注禮食有祭示有所先也汜祭遠

散所祭不共音義

瘁在醉反本或作萃同
食慶音嗣汜芳劍反

疏

注正義曰禮法

食必先祭祭古之先食以示有所先也公食大夫禮云賓升席坐取韭菹以偏孺於醢上豆之間祭又言

祭鉶羹於上鉶之間祭飲食於上豆之間是祭食之禮各有其處論語云汎愛衆汎是寬博之語故知汎祭為遠散所祭

言其不共也

穆子不說使工為之誦茅鴟注工樂

師茅鴟逸詩刺不敬音義

說音悅茅已交反鴟尺之反刺七賜反

亦不

知既而齊人來讓注讓魯受慶封奔吳吳句餘子之

朱方注句餘吳子夷末也朱方吳邑音義

句古侯反下句瀆同

疏

注正義曰此時吳君是餘祭也明年餘祭死乃夷末代立昭十五年吳子夷末卒是也服虔以句餘

為餘祭杜以為夷末者以慶封此年之末始來奔魯齊人來讓方更奔吳明年五月而閭弑餘祭計其間未得賜慶封以邑故以句餘為夷末也

聚其族焉而居之富於其舊子

服惠伯謂叔孫曰天殆富淫人慶封又富矣穆子曰
善人富謂之賞淫人富謂之殃天其殃之也其將聚
而殲旃注殲盡也旃之也為昭四年殺慶封傳音義

殲子
潛反

○癸巳天王崩未來赴亦未書禮也注嫌時已

聞喪當書故發例○崔氏之亂喪羣公子故鉏在魯
叔孫還在燕買在句瀆之丘注在襄二十一年音義
喪息浪反故鉏仕居反公子鉏
也本或作故公鉏者非瀆音豆

及慶氏亡皆召之具

其器用而反其邑焉注反還也與晏子邴殿其鄙六

十注邶殿齊別都以邶殿邊鄙六十邑與晏嬰音義

邶蒲對反殿多薦反又如字注及下同

疏注正義曰傳直言六十杜知六十邑者下云與北郭佐邑

六十則此亦是六十邑也

弗受子尾曰富人之所欲也何獨弗欲

對曰慶氏之邑足欲故亡吾邑不足欲也益之以邶

殿乃足欲足欲亡無日矣在外不得宰吾一邑不受

邶殿非惡富也恐失富也且夫富如布帛之有幅焉

為之制度使無遷也注遷移也音義

惡烏路反且夫音扶幅音福

疏正義曰外猶以外宰猶益也以邶殿為外也言吾先有邑更不得益邶殿耳

夫民生厚

而用利於是乎正德以幅之注言厚利皆人之所欲

唯正德可以為之幅疏

正義曰人皆欲生計重厚而多財用利益心既無厭於是

乎用正德以幅之言用正德以為邊幅使有度也

使無黜嫚注黜猶放也音

義

黜勅律反嫚徐音慢

謂之幅利利過則為敗吾不敢貪多所

謂幅也與北郭佐邑六十受之與子雅邑辭多受少

與子尾邑受而稍致之注致還公公以為忠故有寵

釋盧蒲嫚於北竟注釋放也音義

竟音境

求崔杼之尸

將戮之不得叔孫穆子曰必得之武王有亂臣十人

注亂治也音義

治直吏反疏正義曰尚書泰誓文也亂治也

事者十人鄭玄論語注云十人謂文母周公太公召公畢公榮公太顛閎夭散宜生南宮适

崔杼

其有乎不十人不足以葬注葬必須十人崔氏不能

令十人同心故必得音義

令力呈反疏正義曰案武王有亂臣十人而得天

下崔子若有十人唯得葬者武王聖人十人皆大德故有天下崔子是罪人又有十人是凡人故唯可以葬也所引武王十人者唯取同心之義既崔氏之臣曰與我其拱壁注

崔氏大壁音義

拱居勇反疏正義曰其者其崔杼也故云崔氏大壁拱謂合

兩手也此壁兩手拱抱之故為大壁

吾獻其柩於是得之十二月乙亥

朔齊人遷莊公殯於大寢注更殯之於路寢也十二

月戊戌朔乙亥誤音義極其救反以其棺尸崔杼於市注

崔氏弑莊公又葬不如禮故以莊公棺著崔氏尸邊

以章其罪音義著丁略反國人猶知之皆曰崔子也注始

求崔杼之尸不得故傳云國人皆知之疏注正義曰始求崔杼

尸不得嫌以他尸代之傳言國人猶知之皆曰崔子言猶尚識其形知是真崔子也○為宋之

盟故公及宋公陳侯鄭伯許男如楚公過鄭鄭伯不

在注已在楚音義為於偽反過古禾反伯有迂勞於黃崖不敬

注滎陽宛陵縣西有黃水西南至新鄭城西入洧音

義

勞力報反崖本又作涯魚佳反

穆叔曰伯有無戾於鄭鄭必有大

咎注伯有不受戮必還為鄭國害敬民之主也而棄

之何以承守注言無以承先祖守其家鄭人不討必

受其辜濟澤之阿注言薄土音義

齊子禮反

行潦之蘋藻

注言賤菜音義

潦音老蘋音頻藻音早

寘諸宗室注薦宗廟音

義

寘之豉反

季蘭尸之敬也注言取蘋藻之菜於阿澤之

中使服蘭之女而為之主神猶享之以其敬也疏

正義

曰此意取采蘋之詩也詩云予以采蘋南澗之濱予以采藻于彼行潦于以奠之宗室牖下誰其尸之有齊季女彼詩采蘋於澗采藻於潦此并言行潦之蘋藻又別言濟澤之阿者以其亦是出菜之處故先言之也獨言濟者以濟在魯國故穆叔獨舉所見而言也女將行嫁就宗子之家教之以四德三月教成設祭於宗子之廟此詩述教成之祭寘諸宗室謂薦於宗子之家廟也詩言季女而此言季蘭謂季女服蘭草也案宣三年傳曰蘭有國香人服媚之知是女之服蘭也敬可棄乎注為三十

年鄭殺良霄傳及漢楚康王卒公欲反叔仲昭伯曰

我楚國之為豈為一人行也注昭伯叔仲帶音義為

子

偽反下除而為之備一字並同

子服惠伯曰君子有遠慮小人從邇

注通近也饑寒之不恤誰遑其後注遑暇也不如姑

歸也叔孫穆子曰叔仲子專之矣注言足專任子服

子始學者也注言未識遠榮成伯曰遠圖者忠也注

成伯榮駕鶩音義駕音加鶩五河反公遂行注從昭伯謀宋

向戌曰我一人之為非為楚也饑寒之不恤誰能恤

楚姑歸而息民待其立君而為之備宋公遂反疏正義

曰魯宋俱是朝楚向戌與叔仲昭伯言不同者二者並為楚是大國故朝其君昭伯欲令公行故以國大

勸公言大國可畏也向戌欲令公還故以君身規公言君死宜反也意異故言異耳○楚屈建

卒趙太子喪之如同盟禮也注宋盟有衷甲之隙不

以此廢好故曰禮音義

喪如字又息浪反隙去逆反本或作卻好呼報反

○

王人來告喪問崩日以甲寅告故書之以徵過也注

徵審也此緩告非有事宜直臣子怠慢故於此發例

音義

徵張陵反本或作懲誤

疏

注正義曰昭三十年傳云非公且徵過杜云徵明也則此徵之

訓亦為明明審此緩告者非有事故宜緩直是臣子怠慢耳杜序以故書為新意故於此發新例以明諸無事故而緩來告者皆是譏其怠慢也

春秋左傳注疏卷三十八

春秋左氏傳注疏卷三十八考證

叔孫豹會晉趙武楚屈建蔡公孫歸生衛石惡陳孔奐
鄭良霄許人曹人于宋○孫復曰宣成之間大夫專
國至宋之會則又甚矣自此諸侯日微天下之政皆
大夫專持之故二十九年城杞三十年會澶淵昭元
年會號諸侯莫有見者也林堯叟曰晉楚始同主夏
盟是南北二伯也天下之大變也

衛殺其大夫甯喜疏於法當誅○監本脫法字今補入

豹及諸侯之大夫盟于宋○臣召南按豹不書族自是蒙上文會盟祇同一地也左氏以為違命穀梁以為恭褻貶不同要皆過當

又疏既不馳請○既監本訛作禮今改正

冬十有二月乙亥朔日有食之○乙亥監本及別本俱作乙卯以傳及疏推之知是乙亥又諸家注解經文皆作乙亥今改正

又注今長歷推十一月朔非十二月○萬斯大學春

秋隨筆曰左傳云十一月乙亥朔與經差一月考上
會宋傳五月有丙午六月有戊申戊申止後丙午二
日必是六月之朔也七月有戊寅必是七月之朔也
七月去十一月凡四月以月大小間數之七月朔戊
寅則九月朔非丙子即丁丑矣十一月朔非丙子必
乙亥矣傳言是也

傳故不書其族言違命也○臣召南按豹以違命去族
此左氏之曲說也賈逵服虔稱豹執義尊國自是正

論孔疏謂杜善解左氏可也即謂賈服皆背左氏亦可也若謂賈服異孔子之經豈其然乎按劉敞曰蔡沈失位左氏貶之今魯欲自同人之私失位甚矣大夫出境有可以重社稷者猶曰專之今令出季氏而謂不可違非也此論甚明

傳書先晉晉有信也注蓋孔子追正之○趙汭補注曰周制以班爵為序軟血則先同姓說見定四年是盟與會次序本異今屈建所爭者軟血之先後耳其大

夫之會楚固未嘗先晉也宋公兼享晉楚之大夫趙孟為客則當時人情可見况宋之盟諸侯雖曰兩屬終未嘗以事晉者事楚楚雖駕晉先軟魯史豈遽以楚先晉乎韓宣子所謂周禮在魯正指此類耳傳云晉有信也考之已不詳杜云孔子追正之亦非傳意也

傳晉荀盈遂如楚涖盟○盈監本訛作寅今改正

傳而公怨之以為賓榮○臣浩

按疏以公字指鄭伯似

不如劉炫作顯然解

傳誰能去兵○王應麟曰漢世祖罷郡國都尉晉武帝去州郡武備其害皆見於後唐穆宗之銷兵則不崇朝而變生焉故曰誰能去兵

傳東郭姜以孤入曰棠無咎○姜監本訛作疆今改正傳崔宗邑也○臣召南按唐書宰相表曰崔氏出自姜姓齊丁公伋嫡子季子讓國叔乙食采於崔遂為崔氏可為宗邑之證

傳十一月乙亥朔日有食之注文十一年三月甲子至今年七十一歲○臣召南按文十一年為乙巳歲此襄二十七年乙卯歲也文十一年傳稱正月甲子而杜改作三月者一從夏正一據周歷也

又疏斗建從甲至癸十者謂之日○推尋文義斗建二字當是衍文

春無冰○臣浩按周時若不改月改時則春之無冰宜也何乃以為異而書之乎

傳以有時菑陰不堪陽疏歲星自淫行天時自溫暖○
監本訛作歲星自淫天行時自溫暖今改正

傳周楚惡之○趙汭補注曰周有天下之號也豈可以
星次概言周楚隱三年傳周鄭並稱有自來矣顧炎
武日知錄曰梓慎曰宋鄭其饑裨竈曰周楚惡之一
事兩占皆驗臣照按周楚惡之與周鄭交惡不同例
在地既有建國在天必有分野言周言京師無以異
也豈若交質交惡之辭實為下陵上替哉又按歲星

之遲留伏逆莫非星行之常前代推步之術不精不自知已之無算而咎星之失次既妄以為失次又因而占之所占機祥又復多驗凡為術皆如是莫非妄也而徃徃似真由真妄本一致也

傳子產相鄭伯以如楚舍不為壇○趙汴曰傳見諸侯朝楚非得已故子產自損其禮

傳公膳日雙雞○臣召南按公膳二字連讀卿大夫在

朝之公膳猶六朝客食唐代堂餐也昭四年傳注曰

食肉之祿謂在朝廷治其職事就官食者疏曰在官
治事官皆給食大夫以上食乃有肉又引此傳以證
之是也

傳得慶氏之木百車於莊○顧炎武日知錄曰杜注善
其不志於貨財非也邵寶曰此陳氏父子為隱語以
相喻也愚謂木者作室之良材莊者國中之要路言
將代之執齊國之權

春秋左氏傳注疏卷三十八考證

謹按第二頁後七行疏則示兄曲也刊本監本毛
本示訛是今改

第七頁後四行疏杜以其義不通諸本其訛言據
宋本改

第十六頁前六行疏公與卿燕諸本脫卿字今據
宋本增

第四十頁後四行疏屋上之長材諸本材訛林今
改

第四十一頁後一行疏祭飲食於上豆之間諸本
食訛酒今據宋本改

第四十二頁前六行傳買在句瀆之丘諸本買訛
賈據宋本改

第四十二頁前八行傳邶字刊本訛比旁後一行
注二行音義四行六行傳八行疏並同今俱改





覆校官檢討 臣陳夢元
校對官編修 臣張秉愚
謄錄監生 臣孔廣材